

Digitized by the Internet Archive  
in 2012 with funding from  
Research Library, The Getty Research Institute

INSCRIPTIONES  
GRÆCÆ  
PALMYRENORUM,


cum

Scholiis & Annotationibus

EDWARDI BERNARDI

ET

THOMÆ SMITHI.



*TRACTI ad RHENUM,*

---

Apud FRANCISCUM HALMAM, Acad.  
Typogr. cl<sup>o</sup>. l<sup>o</sup>. c. xcviij.

THE  
G. A. C. E.  
P. L. M. Y. R. I. N. O. R. U. M.

1871

Scholarship of Agriculture

EDWARD BERNARD

F. T.

THOMAS SMITH

FRANCIS W. KENNEDY  
AND FRANCIS W. KENNEDY  
Typog. cl. 10, c. 1000



## THOMAS SMITHUS S.



*U*T melius edoceare, erudite Lector, quo felici casu quibusque auspiciis sequentes Inscriptio- nes e tenebris, in quibus per multas annorum centurias la- tuere, tandem in publicam lu- cem eruantur, pauca hic in vestibulo, ante- quam in adyta sis admittendus, præfari om- nino necessarium duco.

Cum Angli mercatores, viri egregii & no- bili prosapia oriundi Halebi (veterum Græ- corum Chalybonis) in Syria commorantes, frequenti cum Arabibus cæterisque nobilif- simi totius Orientis emporii civibus, vicinæ- que regionis incolis conversatione habita, Tad- moræ, (ita enim Palmyra, recuperato ve- tustissimo nomine, hodie nuncupatur) sex dierum itinere versus carbam dissitæ, rude- ra, veteris illius magnificentiæ & splendoris admirandas plane reliquias, adhucdum ex- stitisse intellexissent, ex iis non pauci lauda- tissimo ea videndi desiderio incitati, pro amo- re literatæ Antiquitatis, communicatis istam urbem Europæis incognitam adeundi consiliis, iter istud, a quo aut viarum per inhospitam

## Ad Lectorem.

eremum difficultatibus , aut periculis ex insidiis latronum , qui in quosvis illorum latibula abditosque recessus audaci pede ingredi ausuros grassantur , neutiquam erant absterrendi , magno animo susceperunt. Hoc factum erat mense Julio A.Ch.M.DC.LXXVIII. Sed perfidia Melkami , Arabum , qui istis locis insidebant , Reguli , propositum illud in irritum plane cedebat. Ille enim vir animo agresti & effero , caussatus neminem e gente Francorum eo usque in secretiora deserti antea penetrasse , jamque viis inviis per quas ad Tadmoram eundum sit , cognitis & exploratis , facile fore Turcis , illis monstrantibus , armatos milites ad illos perdendos immittere , duos e comitibus , quos pro more cum muneribus ad ipsius gratiam aucupandam præmisere , morte intentata , tanquam captivos apud se detinuit , cum reliquis quoque prælium initurus , nisi illorum vitam seque ab imminente periculo , bis mille thaleris datis , cum duplum latro iste primo exposceret , hisce angustiis constituti , redemissent. Inde moesti recessere , solis oculis quasi eminus raptimque ista rudera lustrare , absque aliqua diligenti indagine contenti : cum Arabibus , licet jam placatis , ob violatam fidem , vix esset tuto fidendum. Sed tantæ perfidiæ aliorumque flagitiorum , quorum manifestus tene-



Ad Lectorem.

*tenebatur, pœnam postea luebat barbarus iste Emir, ab Halebenſi Præfecto, quem Baſſam nuncupant, ſtrangulatus.*

*Tandem vero igneus ille mentis vigor, cui malorum, quæ paſſi ſunt, cum memoria frigida affudiſſet, redaccendi cœperat, præſertim cum favore Huſæini, Arabum, qui longe lateque immanes illas ſolitudines incolunt, Principis, quendam e ſuis, viæ ductorem, & Tadmoreniſibus bene cognitum, in maiorem ſecuritatem obtinuiffent. Qua ſpe & fiducia erecti fretique, iter iſtud ineunte Octobre. A. Ch. M. DC. XCI. denuo inſtitutum, favente divina providentia auſpicatiſſime abſolverunt. Itineris hiſtoriam, una cum Palmyræ notiſia, in qua ſequentes Inſcriptiones continentur, deſcripſit vir reverendus, Guilielmus Halifaxius, mercatoribus Angliſ a ſacris, & Collegii Corporis Chriſti apud Oxonienses Socius, quam ad Virum erudiſſimum D. Bernardum tranſmittendam curavit, hic vero ad me, ut Actis Philoſophicis Regaliſ Societatiſ Londinenſiſ inſereretur, ne cultiorem Europam diutius laterent hæc tam venerande antiquitatiſ, quæ nondum edacitas temporis, aut terræ motus, aut Arabum Turcarumque barbaries penitus abſumpſerant, monumenta. Annuerunt citra moram Viri Clariffimi, quibus illa Acta condendi cura*

## Ad Lectorem.

*demandata est, & cimelium hoc, licet argumenti ab instituto suo paulo alienioris primo intuitu esse videretur, incomparabili isti observationum Philosophicarum & Mathematicarum thesauro adnumerari facile passi sunt. Nolo autem vel compendio ea referre, quæ majori cum fructu & delectatione fuisse existis Actis petenda sunt: mihi enim solares est cum Inscriptionibus, quas felix D. Halifaxii diligentia quatrinduo, dum illic moratus est, investigando detexit. Errores inter exscribendum admissos, nemo, qui characteres in marmoribus, temporis injuriam passis, aut excisos aut exesos & plane evanidos fuisse in mentem revocaverit, illi absque injustissimi censoris infamia exprobrare potest. Potius laudibus, quas meretur, cumulandus est, quod hasce eruditæ antiquitatis gazas, tanto cum labore & impendio reclusas, orbi literario liberali manu impertitus fuerit.*

*Hujus autographum quum primum perlegerim, D. Bernardum rogavi, ut in hasce Inscriptiones commentariolum adornare vellet. Quo minus consilium hoc meum facili aure tunc temporis exceperit Vir amicissimus, qui æquum postulanti pro amore, quo erga me ex consuetudine & familiaritate ab ineunte juventute nostra ultra novem annorum lustra continuata orto ferebatur, morem gerere solitus erat;*  
ob-



## Ad Lectorem.

obstabant tum studia longe diversi generis , quibus distinebatur , tum maxime ægritudo , qua laborabat. Mox vero otium nactus , & a morbo paulo recreatus , se expugnari iteratis precibus meis passus est. Quod consulto feci , satis gnarus , neminem aut feliciori ingenio , aut sagaciori judicio , aut solidiori eruditione , quicquid obscurum aut intellectu difficile in istis marmoribus occurrebat , explicaturum. Quod vero schediasmata hæc publici juris non fierent , vel ante susceptum iter Hollandicum , vel post ipsius reditum , dum in vivis esset , multa intercessere , quæ nunc celabo. Paucis ante obitum diebus illa ad me transmisit Vir optimus , ὁ ὡν ἐν ἀγλοῖς , ut una cum meis in eadem marmora Palmyrena annotationibus ( ita enim moriens statuebat ) tandem aliquando luce publica donarentur. Norat enim me quippiam hac ex parte pridem molitum fuisse , si per illum , si per alios , qui istam gloriam laudemque præripere , si qua manet , magno nisu contenderunt , id liceret. Veruntamen fortasse , quod hic non invitus , imo maxima cum lubentia fatebor , ab isto labore , ut ut tenui & perpusillo , tanquam inutili & supervacaneo abstinuisse debueram : & omnino puduisset isti purpuræ hosce lace-ros pannos attexuisse , nisi affectus erga optimum amicum , qui id voluit , cujus memo-

## Ad Lectorem.

ria semper apud me sacra erit, jussisset, ut ipsius famæ posthumæ & nunquam intermori- turæ, dum stabit Oxonium, (stabit autem in æternum) vel susque deque habita propria, velificarer. Inscriptiones a me quoque Latine pridem conversas longe alio ordine, quod hic præmonendum duco, posueram, quem, ne molestia in investigandis annotatis Lectori oriretur, mutavi, ut numeris Bernardinis pariter respondeant. Quod vero jam conjunctim prodeant, totum illud, quantum quantulumcunque est, Viro Clarissimo & Doctissimo Theodoro Janssonio ab Almeloveen, Litteraturæ politioris Harderovici in Gelria Professore, utriusque nostrum communi amico, acceptum referendum est, & cui, post D. Bernardum τὸν πᾶν, gratiæ, si quippiam inde animo tuo adlubescat, tuisve studiis inserviat prositque, merito debebuntur.

*Plin. Nat. Hist. lib. v. cap. 25.*

Palmyra urbs nobilis situ, divitiis soli, & aquis amœnis, vastos undique ambitu arenis includit agros, ac velut terris exempta a rerum natura, privata sorte inter duo imperia summa Romanorum Parthorumque, & prima in discordia semper utrinque cura. Abest Seleucia Parthorum, quæ vocatur ad Tigrin, CCC. XXXVII. M. Pass. a proximo vero Sy-

## Ad Lectorem.

Syriæ litore CCLIII. M. & a Damasco XXVII.  
propius.

*Josephus Antiquit. Judaic. lib. VIII. cap. 2.*

Ἐμβαλὼν δὲ καὶ εἰς τὴν ἔρημον τὴν ἐπάνω Συρίας, καὶ καταχὼν αὐτήν, ἐκπῆσεν ἐκεῖ πόλιν μεγίστην, δύο μὲν ἡμερῶν ὁδὸν ἀπὸ τῆς ἀνω Συρίας διεγῶσαν, ἀπὸ δ' Εὐφράτης μίας, ἀπὸ δὲ τῆς μεγάλης Βαβυλωνίας ἑξήμερῶν ἦν τὸ μῆκος. Αἰπὸν δὲ τῇ τὴν πόλιν ἔκτισ ἀπὸ τῶν οἰκισμένων μερῶν τῆς Συρίας ἀπωκεῖσθαι, τὸ κατωτέρω μὲν ὕδαμῦ τῆς γῆς ὕδωρ εἶναι, πηγὰς δ' ἐν ἐκείνῳ μόνῳ τῷ ὅπῳ εὐρεθῆναι καὶ φρέατα. Ταύτην ἐν τὴν πόλιν οἰκοδομήσας καὶ τειχεσιν ὀχυρωτάτοις περικταλὼν, Θαδαμόραν ὠνόμασε, καὶ τῷτ' ἐτι νῦν καλεῖται καθὰ τοῖς Σύροις, οἱ δὲ Ἕλληνες αὐτὴν προσαγορεύουσιν Παλμυρην.

b. e.

*Ingressus deinde in desertum, quod est super Syriam, ejusque regionis potitus, urbem ibi maximam condidit, duorum dierum itinere a superiore Syria distantem, ab Euphrate vero unius. Ad magnam autem Babylonem inde sex dierum via protendebatur. Quare autem a reliquis cultæ Syriæ partibus hæc urbs tam procul habitetur, causa hæc est, quod mediterranea*  
\* 5
per



## Ad Lectorem.

*per desertum petentibus , ibi demum fontes ac putei reperiuntur. Hac igitur urbe extructa , & mœnibus validissimis cincta , Thadamoram eam appellavit , quo nomine etiam nunc a Syris vocatur. Græci Palmyram nominant.*



IN-

INSCRIPTIONES  
GRÆCÆ  
PALMYRENORUM  
cum

Versione Latina & Scholiis

EDWARDI BERNARDI.

MEMORIAL

OF THE

AMERICAN ASSOCIATION

FOR THE ADVANCEMENT OF SCIENCE

AND THE



D. THOMÆ SMITHO  
EDWARDUS BERNARDUS

S.



Uanquam Epistolas tuas,  
O cor & medulla amicitiae nostrae, & alia munera grato animo in sinum hunc recipere soleo; eas tamen *Notitias*,  
quas tuo dono hodie ac-

cepi, tanquam germanae & famae nunquam marcescentis pignora, multo chariores habeo, &, dum vivam, reverenter adservabo. Sic enim Asianarum Ecclesiarum Pleiadas e tenebris denuo accitas: sic antiquissimorum Episcoporum sedes instauras, ut candelabrum ἐπτάλοφον cum magno Theologo & Apocalypsa iterum ardens ac fulgens videre mihi videor. Præterea, in descriptione urbis Constantini Silentarios, Codinos, Gyllios, cæteros exsuperas. Fruere diu superstes hac laude, quam suam esse

D. THOMÆ SMITHO S.

esse maluit Sponius, & præter morem ingenuum aut fas sibi abripere.

Gaudeo tamen mihi jam novum adesse munus, quod tecum queam impertire volente spero, & læto. Id est Epigrapharum Sylloge, quas a Columnis *Palmyrenis* charissimus Amicus, *Guilielmus Halifaxius* pulchro studio descripsit. Utinam *Syriaca* plura ipse addidisset sub Græcis, & Epocham *Palmyrenam* a *Seleuco* victore, non ab *Alexandri* Magni obitu, incepisset. Historiæ vero *Augustæ* Scriptores qui teruntur, & *Herodianus* Grammaticus plerasque Inscriptionum istarum multum illustant. Verum isthæc vix sunt nostri otii. Attamen si hæc commiseris *Philosophicarum Transactionum*, ut nunc loquuntur, conditoribus, haud injucundum *εὐόμομα* fuerit, donec vir illustris & adprime doctus D. *Cuperus* uberiora forte ediderit de urbe Solomonis ejusque reliquiis. Vale Vir venerabilis.

*Oxonie, Nonis Octobribus.*

*A. D. 1695.*

A D

*Clarissimum Virum*

ROBERTUM  
HUNTINGTONUM,

EDWARDUS BERNARDUS.



*Reves quidem has ad-  
notationes in Monu-  
menta satis rara cur  
Tibi ante cæteros dedi-  
carem, Vir venerande,  
præter amicitiam diu-  
turnam & singularem  
tuam eruditionem, alie duæ causæ acce-  
dunt. Ipse enim Anglorum primus iter  
Palmyrenum magno certe animo & de  
prisca Syrorum scriptura sollicito institui-  
sti; & nisi Arabes prædatores intervenis-  
sent, ignotam illam Literaturam nostro  
orbi exposuisses. Restat adhuc argumen-  
tum*



ROBERT. HUNTINGT. S.

*tum alterum, mihi fateor suave & perutile. Namque ultra septingentos Codices Orientalis Doctrinæ summa diligentia & audaci plane impendio a Moslemiis aliisque Asiæ sectis redemisti. Hanc ob causam bona sedulitas Oxoniæ, & viri omnes, qui sacras literas amant, & qualis obsecro Christianus is est, qui has non amat? Tibi semper gratulabuntur. Vale.*



# MONUMENTA PALMYRENA.

*In turri sepulchrali apud Palmyram quinque tabulatorum ,  
opere Romano.*

I. pag. 108. *Philos. Transact.*



Ο ΜΝΗΜΕΙΟΝ ΑΙΩΝΙΟΝ ΓΕΡΑ  
ΩΚΟΔΟΜΗΣΕΝ ΓΙΧΟΣ ΜΟΚΙ-  
ΜΟΥ ΤΟΥ ΚΑΙ ΑΚΙΑΣΙΟΥ ΤΟΥ  
ΜΑΝΝΑΙΟΥ ΕΙΣ ΤΕ ΕΑΥΤΟΝ  
ΚΑΙ ΤΙΟΥΣ ΚΑΙ ΕΓΓΟΝΟΥΣ Ε-  
ΤΟΥΣ ΔΙΤ ΜΗΝΕΙ ΞΑΝΔΙΚΩ.

Monumentum hoc decus sempiternum  
exstruxit Gichus filius Mocimi , qui & Acia-  
sifes , filii Mannæi sibi ipsi & filiis posteris-  
que eorum anno CCCXIII. *a*

*In turri adversus præcedentem.*

II. pag. 107.

ΤΟ ΜΝΗΜΕΙΟΝ ΕΚΤΙCΑΝ ΕΛΑΒΗΛΟC ΜΑΝ-  
Α ΝΑΙΟC

*a* A. D. 2. an. 45. Octaviani Augusti. Malo tamen referbere  
ΔΙΥ, quod est A. D. 102. an. 5. Trajani, qui ante biennium Pal-  
myram Provinciæ Syriacæ adjecerat.

ΝΑΙΟΣ ΣΟΧΑΕΙΣ ΜΑΛΧΟΣ ΟΥΑΒΑΛΛΑΘΟΥ  
ΤΟΥ ΜΑΝΝΑΙΟΥ ΤΟΥ ΕΛΑΒΗΛΟΥ ΑΥΤΟΙΣ  
ΚΑΙ ΥΙΟΙΣ ΕΤΟΥΣ ΔΙΥ ΜΗΝΟΣ ΞΑΝΔΙΚΟΥ.

Monumentum isthoc condiderunt Elabelus,  
Mannæus, Sochaës, Malchas, filii Vaballa-  
thi filii Mannæi filii Elabeli sibi & filiis an-  
no CCCCXIV. *b* mense Xanthico.

*In templo Moslemio apud Tibam oppidum Eu-  
phratem versus a Palmyra pergenti.*

III. pag. 109.

ΔΙΙ ΜΕΓΙΣΤΩ ΚΕΡΑΤΝΙΩ ΠΠΕΡ ΣΩΤΗΡΙΑΣ  
ΤΡΑ. ΑΔΡΙΑΝΟΥ ΣΕΒ. ΤΟΥ ΚΥΡΙΟΥ ΑΓΑ-  
ΘΑΝΓΕΛΟΣ ΑΒΙΛΗΝΟΣ ΤΗΣ ΔΕΚΑΠΟΛΕΩΣ  
ΤΗΝ ΚΑΜΑΡΑΝ ΩΚΟΔΟΜΗΣΕΝ ΚΑΙ ΤΗΝ  
ΚΛΙΝΗΝ ΕΞ ΙΔΙΩΝ ΑΝΕΘΗΚΕΝ ΕΤΟΥΣ ΕΜΥ.  
ΜΗΝΟΣ ΛΩΟΥ.

Jovi maximo fulminatori pro salute Traja-  
ni Hadriani Augusti domini sui Agathange-  
lus Abilenus ex Decapoli cameram exstruxit  
& lectum de pecunia sua dedicavit anno  
CCCCXLV. *c* mense Loo.

*Inscriptum columnæ duodecim pedes crassæ,  
altæ plus quam XLII. pedes.*

IV. pag. 94.

Η ΒΟΥΛΗ ΚΑΙ Ο ΔΗΜΟΣ ΒΑΡΕΙΧΕΙΝ ΑΜ-  
ΡΙCΑΜCΟΥ ΤΟΥ ΙΑΡΙΒΩΛΕΩC ΚΑΙ ΜΟΚΙΜΟΝ-  
ΤΙΟΝ

*b* A. D. 102. an. 5. Trajani.

*c* A. D. 133. an. 17. Hadriani.



ΤΙΟΝ ΑΥΤΟΥ ΕΥΣΕΒΕΙΣ ΚΑΙ ΦΙΛΟΠΑΤΡΙΔΑΣ  
ΤΕΙΜΗΣ ΧΑΡΙΝ.....

Senatus populusque Baricham filium Am-  
risamsæ filii Jaribolis, & Mocimum filium ejus  
pios patriæque amantes honoris causa posue-  
runt.....

*Ejusdem proceritatis columnæ alii inscul-  
ptum.*

V. pag. 92.

Η ΒΟΥΛΗ ΚΑΙ Ο ΔΗΜΟΣ ΑΛΙΛΑΜΕΝΑ ΠΑ-  
ΝΟΥ ΤΟΥ ΜΟΚΙΜΟΥ ΤΟΥ ΑΙΡΑΝΟΥ ΤΟΥ  
ΜΑΘΘΑ ΚΑΙ ΑΙΡΑΝΗΝ ΤΟΝ ΠΑΤΕΡΑ ΑΥΤΟΥ  
ΕΥΣΕΒΕΙΣ ΚΑΙ ΦΙΛΟΠΑΤΡΙΔΑΣ ΚΑΙ ΠΑΝΤΙ  
ΤΡΟΠΩ ΕΠΙΣΗΜΩΣ ΑΡΕΣΑΝΤΑΣ ΤΗ ΠΑΤΡΙ-  
ΔΙ ΚΑΙ ΠΑΤΡΙΟΙΣ ΘΕΟΙΣ ΤΕΙΜΗΣ ΧΑΡΙΝ  
ΕΤΟΥΣ ΝΥ Λ ΜΗΝΟΣ ΞΑΝΔΙΚΟΥ.

Senatus populusque Alilamena filium Panæ  
filii Mocimi filii Æeranæ filii Matthæ, & Æ-  
ranam patrem ejus, pios patriæque amantes,  
& omni modo præclare merentes de patria ac  
Diis patriis honoris causa posuerunt anno  
CCCCL. 4 die XXX. mensis Xanthici.

V I.

ΑΦΙΕΡΩΘΗ ΕΩΙ ΛΥΝΔΙΟΥ ΤΟΥ ΑΜΦ ΕΤΟΥΣ  
ΔΙΑ ΜΑΤΕΡΝΟΥ ΚΑΙ ΠΑΠΠΟΥ ΚΑΙ ΜΑΡΚΟΥ  
ΚΝΕΤΜΝ

A 2

— γ

— r — N.

Confecrabatur anno D. XLI. e

*In propylæo templi Jovis, quod Hadrianus  
in urbis Palmyræ parte Orientali  
exstruxit.*

VII. pag. 105.

ΜΑΛΗΝ ΤΟΝ ΚΑΙ ΑΓΡΙΠΠΑΝ ΙΑΡΑΙΟΥ ΤΟΥ  
ΡΑΑΙΟΥ ΓΡΑΜΜΑΤΕΑ ΓΕΝΟΜΕΝΟΝ ΤΟ ΔΕΥ-  
ΤΕΡΟΝ ΕΠΙΔΗΜΙΑ ΘΕΟΥ ΑΔΡΙΑΝΟΥ ΑΛΙΜ-  
ΜΑ ΠΑΡΑΣΧΟΤΑ ΞΕΝΟΙΣ ΤΕ ΚΑΙ ΠΟΛΕΙ-  
ΤΑΙΣ..... ΕΝ Η.... Ν ΤΗΡΕΤΗΣΑΝΤΑ ΤΗ Τ  
ΤΟΥ ΣΤΡΑΤΕΥΜΑΤΟΣ ΤΟΥ ΥΠΟ..... Η ΚΑΙ  
ΤΟΝ ΝΑΟΝ ΤΟΥ ΒΗΛΟΥ ΔΙΟΣ.... ΝΤΩΤ....

Malam, qui & Agrippa, filium Jaræi filii  
Raæi, qui officio scribæ secundum functus  
est adventu Dei Hadriani, & tam peregrinis  
quam civibus uncturam dedit

& administravit  
& templum Jovis Beli

*Aræ ad thermas in urbis pomærio Occiden-  
tali inscriptum.*

VIII. pag. 103.

ΔΗ ΤΥΙΣΤΩ ΜΕΓΙΣΤΩ ΚΑΙ ΕΠΗΚΟΩ ΒΩΛΑ-  
ΝΟΣ ΖΗΝΟΒΙΟΥ ΤΟΥ ΑΙΡΑΝΟΥ ΤΟΥ ΜΟΚΙ-  
ΜΟΥ ΤΟΥ ΜΑΘΘΑ ΕΠΙΜΕΛΕΤΗ ΣΟΗ ΑΙΡΕΘΕΙΣ  
ΕΦΘΑΣ ΠΗΓΗΣ ΥΠΟ ΙΑΡΙΒΩΛΟΥ ΘΕΟΥ ΤΟΝ  
ΒΩΜΟΝ

ΒΩΜΟΝ ΕΞ ΙΔΙΩΝ ΑΝΕΘΗΚΕΝ ΕΤΟΥΣ ΔΟΥ  
ΜΗΝΟΣ ΥΠΕΡΒΕΡΕΤΑΙΟΥ Κ

Jovi supremo maximo & propitio Bolanus  
filius Zenobii filii Æranæ filii Mocimi filii  
Matthæ in curam salvam calidi fontis electus  
a Jaribolo Deo aram proprio sumptu dedica-  
vit anno CCCCLXXIII. *f* mensis Hyper-  
beretæi die XX.

*In palatii porticu ad basim columnæ.*

IX. pag. 102.

ΜΑΡΘΕΙΝ ΑΛΕΞΑΝΔΡΟΥ ΤΟΥ ΚΑΠΑΔΗ-  
ΤΟΥ ΟΥΑΒΑΛΛΑΘΟΥ ΤΟΥ ΣΥΜΩΝΟΥ ΣΩΡΑΙ-  
ΧΟΣ ΑΙΡΑΝΟΥ ΑΝΗΡ ΑΥΤΗΣ ΜΝΗΜΗΣ ΕΝΕ-  
ΚΕΝ ΜΗΝΕΙ ΔΥΣΤΡΩ ΤΟΥ ΞΥ ΕΤΟΥΣ.

Martham filiam Alexandri Capadetæ Va-  
ballathi filii Symonæ Soræchus filius Æranæ  
maritus ejus memoriæ causa mense Dystroan-  
ni CCCXC. *g*

*In magna curia Palmyræ.*

X. pag. 99.

Η ΒΟΥΛΗ ΚΑΙ Ο ΔΗΜΟΣ ΣΕΠΤΙΜΙΟΝ ΤΟΝ  
ΚΡΑΤΙΣΤΟΝ ΕΠΙΤΡΟΠΟΝ ΣΕΒΑΣΤΟΥ ΔΟΥΚΗ-  
ΝΑΡΙΟΝ ΤΕΛΕΟΔΟΤΗΝ ΤΗΣ ΜΗΤΡΟΚΟΛΩΝΕΙ-  
ΑΣ ΚΑΙ ΑΝΑΚΟΜΙΣΑΝΤΑ ΤΑΣ ΣΥΝΟΔΙΑΣ ΕΞ  
ΙΔΙΩΝ ΚΑΙ ΜΑΡΤΥΡΩΘΕΝΤΑ ΥΠΟ ΤΩΝ ΑΡΧΕΜ-  
ΠΟΡΩΝ ΚΑΙ ΛΑΜΠΡΩΣ ΣΤΡΑΤΗΓΗΣΑΝΤΑ

Α 3 ΚΑΙ

*f* A. D. 163. an. 3. Marci.

*g* A. D. 178. an. 18. Marci.



ΚΑΙ ΑΓΟΡΑΝΟΜΗΣΑΝΤΑ ΤΗΣ ΑΤΤΗΣ ΜΗΤΡΟ-  
ΚΟΛΩΝΕΙΑΣ ΚΑΙ ΠΛΕΙΣΤΑ ΟΙΚΟΘΕΝ ΑΝΑΛΩ-  
ΣΑΝΤΑ ΚΑΙ ΑΡΕΣΑΝΤΑ ΤΗ ΤΕ ΑΤΤΗ ΒΟΥΛΗ  
ΚΑΙ ΤΩ ΔΗΜΩ ΚΑΙ ΝΥΝΕΙ ΛΑΜΠΡΩΣ ΣΥΜΠΟ-  
CΙΑΡΧΟΝ ΤΩΝ ΤΟΥ ΔΙΟΣ ΒΗΛΟΥ ΙΕΡΩΝ ΤΕΙ-  
ΜΗΣ ΕΝΕΚΕΝ ΕΤΟΥC... ΜΗΝΕΙ ΞΑΝΔΙΚΩ.

Senatus populusque Septimium excellen-  
tissimum procuratorem Augusti, ducenarium,  
a tributo coloniæ præcipuæ, qui comitatus  
proprio sumptu excepit, & a mercatorum  
primariis probatus est, & præclare rem egit  
tam ductor exercitus quam præfectus annonæ  
coloniæ præcipuæ, & plurimum opum sua-  
rum publico impendit, beneque meruit de  
senatu ipso ac populo, atque hoc tempore  
modiperator est epuli Jovis Beli, honoris causa  
posuerunt anni..... mense Xanthico.

*In eadem curia.*

XI. pag. 97.

Η ΒΟΥΛΗ ΚΑΙ Ο ΔΗΜΟΣ ΙΟΥΛΙΟΝ ΑΥΡΗΛΙΟΝ  
ΖΗΝΟΒΙΟΝ ΤΟΝ ΚΑΙ ΖΑΒΔΙΛΑΝ ΔΙCΜΑΛΧΟΥ  
ΤΟΥ ΝΑCCOΥΜΟΥ CΤΡΑΤΗΓΗΣΑΝΤΑ ΕΝ ΕΠΙ-  
ΔΗΜΙΑ ΘΕΟΥ ΑΛΕΞΑΝΔΡΟΥ ΚΑΙ ΥΠΗΡΕΤΗ-  
CΑΝΤΑ ΠΑΡΟΥCΙΑ ΔΙΗΝΕΚΕΙ ΡΟΥΤΙΛΛΙΟΥ  
ΚΡΙCΠΕΙΝΟΥ ΤΟΥ ΗΓΗΣΑΜΕΝΟΥ ΚΑΙ ΕΠΙΔΗ-  
ΜΗΣΑCΑΙC ΟΥΗΕΙΛΛΑΤΙΟΙCΙΝ ΑΓΟΡΑΝΟΜΗ-  
CΑΝΤΑ ΤΕ ΚΑΙ ΟΙΚΕΙΩΝ ΑΦΕΙΔΗΣΑΝΤΑ ΧΡΗ-  
ΜΑΤΩΝ ΚΑΙ ΚΑΛΩC ΠΟΛΙΤΕΥCΑΜΕΝΟΝ ΩC  
ΔΙΑ

ΔΙΑ ΤΑΥΤΑ ΜΑΡΤΥΡΗΘΕΝΤΑ ΥΠΟ ΘΕΟΥ ΙΑ-  
ΡΙΒΩΛΟΥ ΚΑΙ ΥΠΟ ΙΟΥΛΙΟΥ [ΦΙΛΙΠΠΟΥ] ΤΟΥ  
ΕΞΟΧΩΤΑΤΟΥ ΕΠΑΡΧΟΥ ΤΟΥ ΙΕΡΟΥ ΠΡΑΙΤΩ-  
ΡΙΟΥ ΚΑΙ ΤΗΣ ΠΑΤΡΙΔΟΣ ΤΟΝ ΦΙΛΟΠΑΤΡΙΝ  
ΤΕΙΜΗΣ ΧΑΡΙΝ ΕΤΟΥΣ ΔΝΦ.

Senatus populusque Julium Aurelium Zeno-  
bium, qui & Zabdila, filium Dismalchi filii  
Nassumi, ductorem exercitus in adventu Dei  
Alexandri, & legatum perpetuum Rutilii  
Crispini præfecti vexillationibus deductis,  
necnon præfectum annonæ publicæ liberalem  
& bonis propriis non parcentem, ac præclare  
rem administrantem, atque idcirco probatum  
Deo Jaribolo, & Julio [Philippo] insignissi-  
mo præfecto sacro prætorio, & patriæ quo-  
que, amantem patriæ virum honoris causa po-  
suerunt anno DLIV. *b*

*Super portam muri Occidentalis, quo  
decus templi Beli Jovis a Parthis  
obstructum est.*

XII. pag. 88.

ΤΟ ΜΝΗΜΕΙΟΝ ΤΟΥ ΤΑΦΕΩΝΟΣ ΕΚΤΙCΕΝ  
ΕΞ ΙΔΙΩΝ CΕΠΤΙΜΙΟΣ ΟΔΑΙΝΑΘΟΣ Ο ΛΑΜ-  
ΠΡΟΤΑΤΟΣ CΥΝΚΛΗΤΙΚΟΣ Ο ΑΙΡΑΝΟΥ ΤΟΥ  
ΟΥΑΒΑΛΛΑΘΟΥ ΤΟΥ ΝΑCΩΡΟΥ ΑΥΤΩ ΤΕ ΚΑΙ  
ΥΙΟΙC ΑΥΤΟΥ ΚΑΙ ΤΙΩΝΟΙC ΕΙC ΤΟ ΠΑΝΤΕ-  
ΛΕC ΑΙΩΝΙΟΝ ΤΕΙΜΗΝ.

A 4

Mo-

# 8 M O N U M E N T A

Monumentum hoc sepulchrale de pecunia  
sua condidit Septimius Odænathus clarissimus  
senator filius Æranæ filii Vaballathi filii Na-  
fori sibi & filiis suis nepotibusque in perennis  
ævi honorem.

3 4 X 3 4 & 4 4 H  
6 4 . H 4 3 6 4 & . &  
4 X 3 3 8 . H 4 4 & H  
4 3 X 4 4 3 . 5 4 3 4 4  
X . 5 4 & 3 4 4 3 X 3 3 4  
4 4 4 H & 3

*Samaritanum.*

5 4 2 3 4 5 6 7 8 9 10 11 12  
N W 9 4 5 6 7 8 9 10 11 12

*Judaicum & Assyriacum.*

אבגדהוזחטיכלמןפעפצקרת

*Syriacum.*

1 2 3 4 5 6 7 8 9 10 11 12  
13 14 15 16 17 18 19 20 21 22 23 24

*Mendæum.*

0 1 2 3 4 5 6 7 8 9

*Palmyrenum vero si quis dederit, erit  
mibi magnus Philologus.*

*In curia magna Palmyrenorum.*

XIII. pag. 95.

ΙΟΥΛΙΟΝ ΑΥΡΗΛΙΟΝ ΖΕΒΕΙΔΑΝ ΜΟΚΙΜΟΥ  
ΤΟΥ ΖΕΒΕΙΔΟΥ ΤΟΥ ΑΣΘΟΡΟΒΑΙΔΑ ΟΙ ΣΥΝ  
ΑΥΤΩ ΚΑΤΕΛΘΟΝΤΕΣ ΕΙΣ ΟΛΟΓΕΣΙΑΔΑ ΕΝ-  
ΠΟΡΕΙΑΝ ΕΣΤΗΣΑΝ ΑΡΕCΑΝΤΑ ΑΥΤΟΙC ΤΕΙ-  
ΜΗΣ ΧΑΡΙΝ ΞΑΝΔΙΚΩ ΤΟΥ ΗΝΦ ΕΤΟΥC.

Julium Aurelium Zebidam filium Mocimi  
filii Zebidæ filii Asthorobædæ comites qui ad  
emporium Vologesium cum eo profecti sunt,  
bene de ipsis meritum virum honoris causa sta-  
tuerunt mense Xanthico anni DLVIII. i

*In magna curia.*

XIV. pag. 99.

СЕПТИΜΙΟΝ ΑΙΡΑΝΗΝ ΟΔΑΙΝΑΘΟΥ ΤΟΝ  
ΛΑΜΠΡΟΤΑΤΟΝ ΣΥΝΚΛΗΤΙΚΟΝ ΕΞ ΑΠΑΝΤΩΝ  
ΛΟΥΚΙΟΣ ΑΥΡΗΛΙΟΣ ΗΛΙΟΔΩΡΟΣ ΣΤΡΑΤΙΩΤΗΣ  
ΛΕΓΕΩΝΟΣ ΠΑΡΘΙΚΗΣ ΤΟΝ ΠΑΤΡΩΝΟΝ ΤΕΙ-  
ΜΗΣ ΚΑΙ ΕΥΧΑΡΙCΤΙΑC ΧΑΡΙΝ ΕΤΟΥC ΓΞΦ.

Septimium Æranam filium Odænathi cla-  
rissimum senatorem præ cæteris Lucius Au-

A 5

relius

i A. D. 246. an. 3. Philippi.



relius Heliodorus miles legionis Parthicae pa-  
tronum suum honoris & gratitudinis causa an-  
no DLXIII. *k*

Y . 4 X 3 U N 4 Y  
 4 Y 5 Y . H 4 3 . H 6 8  
 X Y . X J X H . 6 X J  
 X J H . H X 4 4 H 5 Y 3  
 K J . Y X 6 . X Y 3 X  
 H 4 3 . Y Y X 3 . Y 7 Y  
 X . Y Y 3 H Y H X  
 Y 6 ~ Y 3 H Y . Y X  
 X 5 3 Y 3 X . 4 M 4  
 h Y J . Y X U H Y . Y  
 3 3 3 Z Y 65 V Y . 2 V  
                     83  
                                 J J J

*Prope partem Orientalem magnæ curiæ  
Palmyrenæ.*

## XV.

..... ΛΟΥΚΙΟΥ ΑΥΡΗΛΙΟΥ ΗΛΙΟΔΩΡΟΥ  
ΤΟΥ..... ΤΕΙΜΗΣ ΧΑΡΙΝ ΕΤΟΥΣ..... ΜΗ-  
ΝΟΣ ΑΠΕΛΛΑΙΟΥ.

..... Lucii Aurelii Heliodori..... honoris  
causa anno..... mense Apellæo.

*In magna curia.*

## XVI. pag. 100.

ΠΟΥΠΛΙΟΝ ΟΥΟΡΩΔΗΝ ΣΥΝΚΛΗΤΙΚΟΝ ΚΑΙ  
ΒΟΥΛΕΥΤΗΝ ΠΑΛΜΥΡΗΝΟΝ ΒΗΛΑ ΚΑΒΟΣΑΡ-  
ΣΑ ΤΟΝ ΦΙΛΟΝ ΤΕΙΜΗΣ ΧΑΡΙΝ ΕΤΟΥΣ ΟΦ.

Publium Vorodam senatorem & consilia-  
rium Palmyrenum filium Belæ Cabosarsæ a-  
micum suum honoris causa posuit anno  
DLXX. 1

*Inter sepulchra.*

## XVII.

— ΤΙΩΝΟΝ ΑΥΤΟΥ ΠΡΟΣΛΑΒΕΙΝ ΚΑΣ.....

— nepotem ejus accipere.....

9 9 K E W X W K 5  
. 9 9 5 9 3 9 3 9 5  
A 6 In-

*Inter sepulchrales ædes.*

XVIII.

— ΑΡΧΕCΙ ΕΠΙ ΤΩ ΚΑΤΑ ΜΗΔΕΝΑ ΤΡΟ-  
ΠΟΝ Κ..... ita ut nullo modo

9 4 9 2 5 2 9 3 8  
 10 3 9 2 10 6 6 10 3 7  
 .7 3

*In curia magna.*

XIX. pag. 98.

ΣΕΠΤΙΜΙΟΝ ΟΥΟΡΩΔΗΝ ΤΟΝ ΚΡΑΤΙCΤΟΝ  
 ΕΠΙΤΡΟΠΟΝ CΕΒΑCΤΟΥ ΔΟΥΚΗΝΑΡΙΟΝ ΚΑΙ  
 \* ΑΡΧΑΓΗΤΗΝ ΙΟΥΛΙΟC ΑΥΡΗΛΙΟC CΑΛΜΗC  
 ΚΑCCIΑΝΟΥ ΤΟΥ ΜΕΛΕΝΑΙΟΥ ΙΠΠΕΥC ΡΩ-  
 ΜΑΙΩΝ ΤΟΝ ΦΙΛΟΝ ΚΑΙ ΠΡΟCΤΑΤΗΝ ΕΤΟΥC  
 ΗΟΦ ΜΗΝΕΙ ΞΑΝΔΙΚΩ.

Septimium Vorodam excellentissimum pro-  
 curatorem Augusti, ducenarium & ductorem  
 Julius Aurelius Salma filius Cassiani Melenæi  
 eques Romanus amicum suum ac patronum  
 posuit anni DLXXVII. *m* mense Xanthico.

\* γρ. ΑΡΧΑΓΗΤΗΝ.

*m* A. D. 266. an. 14. Gallieni.

27 25 2 & 6 3 6  
 7 6 3 & 5 2 6 5 6 7 5  
 5 7 & 2 . & 5 7 & 3  
 . & 5 5 2 3 5 5 & 6

*In curia magna.*

XX. pag. 98.

СЕПТИМІОН ΟΥΟΡΩΔΗΝ ΤΟΝ ΚΡΑΤΙΣΤΟΝ  
 ΕΠΙΤΡΟΠΟΝ СЕΒΑΣΤΟΥ ΔΟΥΚΗΝΑΡΙΟΝ ΚΑΙ  
 \* ΑΡΧΑΓΗΤΗΝ ΙΟΥΛΙΟΣ ΑΥΡΗΛΙΟΣ СΑΛΜΗΣ  
 ΠΥΣΙΛΛΟΣ ΜΕΛΕΝΑΙΟΣ ΜΑΛΩΧΑ ΝΑССΟΥΜΟΥ  
 Ο ΚΡΑΤΙΣΤΟΣ ΤΟΝ ΦΙΛΟΝ ΚΑΙ ΠΡΟСТАТΗΝ  
 ΤΕΙΜΗΣ ΕΝΕΚΕΝ ΕΤΟΥС... ΜΗΝΕΙ ΞΑΝΔΙΚΩ.

Septimium Vorodam excellentissimum pro-  
 curatorem Augusti, ducenarium & ductorem  
 Julius Aurelius Salma Pusillus Melenæus fi-  
 lius Malochæ Nassumi vir excellentissimus  
 amicū & patronum suum honoris causa po-  
 suit anni... mense Xanthico.

*Pertinet ad castellum in urbis Palmyra  
 colle Orientali.*

XXI. pag. 161.

Rectores orbis & propagatores humani ge-  
 neris D. D. N. N. Diocletianus & Maximia-  
 nus sanctissimi Imperatores, & Constantius,

\* γρ. ΑΡ..ΑΠΗΤΗΝ.

&



& [ <sup>Maximianus</sup> ~~deletum~~ ] Nobb. Cæs. castra feliciter condiderunt.... *n*

....ntes Offiano Hieroclite V. P. præfecto Provinciæ D. N. M. O. eorum.

*In monasterio Maronitarum apud Arsopham.*

## XXII.

† ΕΠΙ ΣΕΡΓΙΩ ΕΠΙΣΚΩ ΤΩ ΣΥΤΤΕΝΩΣ ΜΑΡΩΝΙΩ ΤΩ ΧΩΡΕΠΙΣΚΩ.

Ædes hæc constructa est tempore Sergii Episcopi cognati Maroniæ Chorepiscopi.

Γ Δ Θ Ζ Δ Η Δ ∴

## XXIII.

ΑΓΛΙΒΩΛΩ ΚΑΙ ΜΑΛΑΧΒΗΛΩ ΠΑΤΡΩΟΙΣ ΘΕΟΙΣ  
ΚΑΙ ΤΟ ΣΙΓΝΟΝ ΑΡΤΥΡΟΥΝ ΣΤΗΝ ΠΑΝΤΙ ΚΟΖΜΩ Α-  
ΝΕΘΗΚΕ

Α. ΑΥΡΗΛΙΟΣ ΗΛΙΟΔΩΡΟΣ ΑΝΤΙΟΧΟΥ ΑΔΡΙΑΝΟΣ  
ΠΑΛΜΥΡΗΝΟΣ ΕΚΩΝ ΙΔΙΩΝ ΥΠΕΡ ΤΗΣ ΣΩΤΗΡΙΑΣ  
ΑΥΤΟΥ ΚΑΙ ΤΩ ΣΤΗΝΒΙΟΥ ΚΑΙ ΤΩ ΤΕΚΝΩΝ ΕΤΟΥΣ.  
Ζ Μ Φ ΜΗΝΟΣ ΠΕΡΙΤΙΟΥ.

Aglibolo & Malachbelo Diis patriis argentum hoc signum cum ornatu omni dedicavit

L. Aurelius Heliodorus filius Antiochi Hadrianensis Palmyrenus de sua pecunia pro salute sui & conjugis filiorumque anno *o* DXLVII. mense Peritio.

*n* Circa A. D. 300.

• A. D. 235. an. 1. Maximini.

J J A A J J A A Δ  
 T C C H J N M 1 J J V  
 A H J J N H A K ) M J D  
 Z D Π M ) J < J J Z Δ  
 J ) T J J W J N J J ) N  
 J A W E E N E V J J ) N  
 V J K ) N M J 1 ) N A  
 . Y C J X N J ) J A

Θεῶ Xαῖς.

E D-

EDWARDI BERNARDI  
SCHOLIA  
AD MONUMENTA PALMYRENA.

SCHOLIA

*Ad Monumentum primum.*

Γίχ⊙ ] A Samaritico גַּחַח *gacha*, pugnavit, aut a Chaldæo ܡܢܢ *agiach*, pugnavit, ܡܢܢ *gicha*, miles.

Μοκίμ⊙ ] Frequens nomen in Palmyra, idem significans quod μόνιμος sive προσάτης, القيم *Almocimon*.

Μανναί⊙ ] Notum & hoc in ea civitate: quod est מנני *manni*, œconomus: aut מנני *manion*, desiderabilis, dilectus. Vel denique ipsum ماضي *mani* Persarum, quod prava hæresis nimis notum fecit. Idem Flavio Iosepho Μενναί⊙, nomen inter Arabas versans. Aut etiam ماضي *manion*, determinator, definitior. Scimus enim ex Xiphilino Μάγον Φύλαρχον τῆς Ἀραβίας πλῆσιον ὄντα h. e. *Syriæ Palmyrenæ Trajanum imperatorem apud Edessam convenisse.*

*Ad secundum.*

Ελάβηλ⊙ ] ܐܠܗܐ ܒܝܠ, *Eloha be'el*, dominus Deus.

Σοχαεῖς] Σοχαῆς, سَخِي, *Sochion*, munificus.

Μαλχ[𐤌] מלכ, *malcha*, rex, aut πορφύρε[𐤌].

Ουαβαλλάθ[𐤌] sive Vaballathi, ut marmora quam nummi præferunt. Quod venit a Syro אובלתא, *Ubelatha*, stirps, progenies; aut ab אבלתא, *Obelatha*, quod est لاى, *Oblion* apud Arabas Christianos. Unde accessit Jacobo Justo, primo omnium Episcopo & omnino maximo, cognomentum ὠβλίας, quod est, ὁ πρωτεύων, primas. Viri autem Docti multum hallucinantur de ea nuncupatione. Est etiam אבאל, *Obbalon*, pastor.

Ξανθικῶ] Ita ubique pro Xanthico, propter os blæsum Syrorum.

### *Ad tertium.*

Αδειαν[𐤌] Cum decerneretur bellum: aut certe A. D. 132. quando vota publica pro principis salute passim suscepta fuisse ipsi nummi ostendunt.

### *Ad quartum.*

Η βαλὴ καὶ ὁ δῆμος] Palmyreni quidem, sive Syriæ Sobæ populus, filiis Salomonis τῶ κτίτου

B

pare-



parebant, tum Assyriis, dein Persis, post illos Macedonibus, mox Parthis, atque jam Romanis, servato tamen reipublicæ modo; etiam sub Arabum scenitarum phylarchis, Mancho inquam, Arethis duobus, Alchaulonio, Alamandaro, Naamane, aliisque, usque ad Aurelianum imp. Romanorum, qui Palmyram vastavit A. D. 271. Ille enim princeps, subita defectione civium post captam Zenobiam provocatus, urbem omnino evertit. Similia quidem jura & mores Macedonicos Seleuciæ ad Tigrim, Antiochiæ ad Orontem, & ipsis Athenis concesserunt Romani victores. Pollicetur adeo Aurelianus literis scriptis Zenobiæ in sua splendida urbe tunc obsessæ, servaturum se jus Palmyrenorum. Idemque postea in urbem Romam, non Zenobiam solam, sed & principes civitatis qui superfuerant, triumpho duxit.

Βαείχειν] Βαείχην correctius. *باريكن*, *baricon* vero aut *βάρικης* felicem significat.

Ἀμεισάμος] Sonat autem *ἀμεισάμους*, ὁ ἀντιθέτης ἡλίου, *امير شمس*, *amir Sams*. Similiter inter sacerdotes Emisenos legimus *σαμψιγέραμον*, qui ad Saporem Persam urbe exierat, quasi *شمس جرأمة*, *Sams Gerama*, Sol clarus. Persis vero, quos sacerdos ille cum turma rustica fugaverat, occurrit tempore Valeriani

Ieriani ὁ τῷ λιμήτι ἀντιποιεῖμεν, ait Melelas ex Domnino, Οδύναθ, βασιλεὺς Σαρακτινῶν βαρβάρων, καὶ πάντας τὰς Πέρσας τὰς τῆς βοηθείας τῷ Σαπῶρι ἀνήλωσεν.

Ιαριβόλεως] Ιαριβολεὺς, βηλασεβῆς interpretanti, יָרֵב אֵל, *jare ba'al*: aut pertinens ad Jaribolum, eximium Palmyrenorum idolum.

*Ad quintum.*

Αλιλαμενᾶ] אֱלֹהָ אִלִּמָּא, *Eloha alima*, Deus sapiens.

Αιργίνης] יִרְנִי, *irani*, urbanus.

Μαθθα] Ματθαῖος autem est מַטְחָא, *mattan*, δῶρον, velut Dei donum.

Πατρώοις θεοῖς] Malachbelo quidem & Aglibolo.

*Ad septimum.*

O quantum malum bonæ literaturæ fecit Lincinius, qui Gordiani tertii monumentum in Circeio Græcis & Latinis & Persicis & Judæis & Ægyptiacis literis inscriptum expunxit! Idem tamen dici potuit hoc tempore de Palmyra, quod de Seleucia monet Josephus: οἰκῶσι δὲ αὐτὴν, πολλοὶ τῶν Μακεδόνων, πλείστοι δὲ Ἕλληνες· ἔστι δὲ καὶ Σύρων ἕκ ὀλίγον τὸ ἐμπολιτευόμενον. Scimus præterea ex Plutarchi Antonio Palmyrenos fuisse trilingues, Syros quidem, Armenios & Mesopotamēnos. Hadrianus vero

princeps fatis gloriosus, & Alexandri Magni  
 atque Seleuci Nicatoris præ cæteris æmulus,  
 multa templa etiam sui nominis per urbes Sy-  
 riæ condidit cum aliis ædificiis, atque pro-  
 pter illud meritum suo illas nomine nuncupa-  
 vit. Unde & Palmyra quandoque Hadrianopol-  
 is adpellata est. Verum veteribus nominibus  
 Tadmoræ dialecto Syra & Palmyræ Græca di-  
 ctione brevi concessit nova illa nuncupatio.  
 Hinc bene intelliges ἐπιτιθέντα in ethnicis  
 Stephani, ubi loquitur de hoc emporio.

Μάλλιϛ] Μάλης, مالي, *malion*, dives, aut  
 مال, *maalon*, pinguis.

Τὸν καὶ Ἀγρίππαν] Vel Agrippa idem deno-  
 tat quod μάλης: aut more istius ævi duo no-  
 mina sibi conciliabant Palmyreni, Syrum unum,  
 Romanum alterum. Ibi Ιαρεῖ⌘, נר, *jare*,  
 verecundus: & Ρααῖ⌘, رای, *raaion*, spe-  
 ctabilis. Adventu Dei Hadriani; expeditio-  
 nibus præsertim A. D. 119. & 128. ab eo su-  
 scepris.

καὶ τὸν ναὸν τοῦ Βήλ & Διὸς] Ædem enim il-  
 lam Orientalem & minorem, quam in ruinis  
 tantis vix vides, circa A. D. 128. exstruxerat  
 Hadrianus.

*Ad octavum.*

Βάλλαν⌘] בלל, *ballan*, balneator: aut בעלני,  
*baal-*

*baalni*, ad Belum pertinens.

Ιαειβώλ8] *Jaribolus*, ירעב באל, *jareab ba'al*,  
Lunus dominus.

*Ad nonum.*

Μάρθην] Pro Μάρθῃ vitio vulgi. Μάρθα  
autem, quis nescit Judæorum aut Christiano-  
rum? est ἐπιτίμως domina, מרת, *martha*.

Συμῶν8] Συμῶν8 est שבע, *Symeon*, obe-  
diens. Mox Σώριχος, שריח, *farichion*,  
indigena.

*Ad decimum.*

Σεπτίμιον] Ducenarius enim ille id nomen  
sibi quæsit ab imperatore Severo, qui A. D.  
196. bene gesta re circa Arabiam Arabicus  
adpellatus est, interiorum Arabum facta pro-  
vincia.

Σεβάστου] Severi vel Caracallæ.

Δικηνάειον] Notum autem satis Ducenarii  
officium inter castrensia & magni honoris. Talis  
certe miles hoc ipso tempore fuit Paulus Samo-  
fatenus, Episcopus, & aries hæreseos Judaicæ,  
quam ætas nostra Socinianam vocat. Imovero  
se ad veterem illam pravitatem convertit Paulus,  
quo Zenobiam sectæ Judæorum addictam pal-  
paret, vir fastuosus & terribilis, satellitii studio-  
sior quam diaconorum & comitatus Christiani.  
Multi vero patres ecclesiastici hæc ajunt, fir-  
mantque Athanasius, Eusebius, Theodoretus,  
alii.



Δὸς Βήλος] Imitatione enim ædis Beli Babylonii, quo nihil antiquius legitur inter idola gentium, templum illud magnificentissimum in regione Occidentali Palmyræ urbis eidem Deo construxerat Seleucus Nicator. Simile quoque refert Dio de alia urbe Syriæ satisque propinqua: Ο Ζεὺς ὁ Βήλος εἰκαζόμενος ἐν τῇ Απαμείᾳ τῇ Συρίας τιμᾶται. Eodem certe Seleuco auctore. Loculi autem duo in porticu magni templi Palmyreni Deorum patriorum Malachbeli & Aglibeli statuas tenebant; quas Aurelianus victor demum Romam transtulit. Aquilæ quoque crebro fuerunt Seleucidarum Ptolemæorumque insignia, ut nummi adhuc monstrant, non solius exercitus Romani. Explicabo vero locum Agathiæ, priusquam hinc pergam. Οἱ Πέρσαι, certe ab Assyriis edocti, Βήλον μὲν καλεῖσι τὴν Δία, sive בעל, *be'el*: Σάνδω δὲ τὴν Ἡρακλέα; quod est שדדאי, *saddai*, sive שדדון, *sadidon*, αὐτοκράτωρ, fortis: vel שנאדון, *senadon*, validus, robustus. Καὶ Αγαπίδα τὴν Ἀφροδίτην, quod est חננה, *hannana*, χαριέσσα: vel potius Syrorum חנאנתה, *hanaintha*, jucunditas, oblectatio, voluptas.

*Ad undecimum.*

Ἰσλαῖον Αυγέλιον] Zenobius enim ille prænomina imperatorum Maximini & Alexandri

reverentiæ causa accepit. Hic enim Augustus Persas, qui Artaxerxe imperium recuperante Syriam totam concusserant, feliciter e Syria Mesopotamea depulit, Palmyramque inter alia liberavit A. D. 230.

Θεῶν Ἀλεξάνδρου] In Deos relati, volente populo.

Τὸν καὶ Ζαβδίλου] Διῶνυμοι enim erant plerique Palmyrenorum: altero quidem nomine Græcis aut Romanis noti, altero vero patriæ suæ & toti Syriæ ac Mesopotamiæ. Ita jam Ζηνόβιος valet Græce quod Syris זכר נחל, *zabdelaha*, donum Dei, Theodorus. Idem quoque rex Arabum Æneas adpellatur apud Josephum Græca voce, & patria حارث, *Hareth*, agricola, Arethas. Arabum quoque phylarchus ἀκβαρος, sive اکبر, *acbaro*, ὁ κρατίστος Arabice nuncupatur, quem Plutarchus Parthico vocabulo Δειάμνῳ adpellat, eadem plane significatione. Ita & Petrus & Cepha de eodem doctore dicitur in libris divinis.

Δισμάλχου] Est autem Dismalchus, دایص, *daismalec*, regis fatelles.

Ναούμους] Nassumus, ناسم, *nasemon*, animatus.

Ρουτιλλίῳ Κεισπείνῳ] Qui consul fuerat A. D. 224. B 4 Is-

Ἰσλὶς [ Φιλίῳππος ] τῆ. ] Haud quidem mirandum, si parricidæ istius, qui hoc ipso anno, Arriano & Papo coss. a Gordiano præfectus prætorio creabatur, nomen proprium Philippus e monumentis publicis deleatur, Nihil sane mitius princeps ille merebatur, quem homines nimis creduli Christiana religione, o dedecus! adhuc obligare student.

*Ad duodecimum.*

Σεπτίμιος ] Hic quoque senator ob memoriam Alexandri Severi simul bonique imperatoris; quis enim post molliissimum Elagabalum austerum dominum non expectaret? Septimii adpellationem jam vir sumpsit, præsertim quando sub illo imperatore militaret, qui Mesopotamiæ vicina aliquoties adierat Pollione teste, & liberaverat. Imovero optimus iste princeps, sicut omnino meruerat, cives omnes Laodiceos Septimios suo nomine adpellari iussit.

Οδύναθος ] οδύναθος in nummis, Ὀδύναθος Zosimo, Οδύναθος aliis, hoc est origine Syra οδύνη, deliciæ, amœnitas. Hic vir bello quam venationibus acer, & a præcedentibus imperatoribus Romanis Palmyrenorum decurio sive στρατηγός constitutus, quum admirabili virtute Persas Mesopotomia & Adiabena quoque expulisset, & Orientis imperium sine  
aquilis

aquilis Romanis restituisset A. D. 264. a Gallieno Augustus renunciatur, dato imperii consortio secundum fidem nummorum & tot historicorum, Gallieno & Saturnino coss.

Mansit quoque in ea familia purpura ne vix muliebris per septennium, donec ob adfectatum Ægypti & Orientis totius imperium A. D. 272. humeris Zenobiæ demum Augustalem chlamydem Aurelianus Victor detraxerat. Ita quidem nummorum anni bene inter se conveniunt, Odenathi, Zenobiæ, Herodiani, & Vaballathi: non alio calculo.

Συγκλητικός] Senator, nondum adsumptis vel prætura vel imperio.

Ουαβαλλάθης] Vaballathi quidem istius nepos ejusdem nominis quinque annos in sinu matris Zenobiæ summam rerum tenuit; & cum averfa facie Aureliani in argento visitur. Verum *ucrim* quod in illis nummis viros doctos adeo vexat, nihil aliud est quam Arabum ابله, *carim*, illustris, nobilissimus.

Νασώρης] Nasores est defensor, adjutor eodem sermone, ناسر, *nasfer*.

### *Ad tertium decimum.*

Ἰγλίον Αὐρήλιον] Prius itaque prænominum adscripsit sibi Zebidas a Maximino Augusto, alterum ab Alexandro.



Ζεβείδαν] Hic autem Ζαβείδας, Ζεβείδας & Ζάβδας; hæc enim nomina Syris idem denotant, scilicet זבדי, *zabida*, & זבדא, *zabda*, donum, sive Theodorus; non alius parebit esse quam strenuus ille ductor militiæ Orientalis, qui mandato parum prudenti Zenobiæ Romanis præfectis Ægyptum postea eripuit, Zosimo & Pollione & Vopillo referentibus, si lectiones pravæ librorum mecum emendaveris.

Ασθαροβαίδα] Nomen satis longum, quod protector servorum significat, ساذر عبيرين, *Saterobædin*.

Ολογεσιάδα ἑμπορίαν] Vologesiam enim aut Vologesicertam, id est, Vologesis urbem, ejus nominis princeps Parthicus A. D. LI. in Adiabena condiderat ad Tigridis angulum maxime Occidentalem, ubi nunc Tacrit, ceu locum opportunum magis Ctesiphonte, mercatoribus præsertim Syris & Palmyrenis, & hyemali mansione aptum. Vide Plinium *sexto naturalium*. Ologeses autem est الغ شاه, *Olog sab*, rex magnus.

*Ad quartum decimum.*

Ἡλιός Αὐρήλιος] Heliodorus ille a Philippo vel Maximino & ab Alexandro Augusto prænominatus est. Idemque memoratur  
mo-

monumento sequenti & in XXIII. quod Roma hodieque servat.

*Ad sextum decimum.*

Πόπλιον ἢ Ποπίλιον] Nam Orodes Valeriani imperatoris prænomen grato animo usurpavit.

ουορώδης] Vorodes, frequens nomen principum Parthiæ, ὑρώδης Plutarcho, ὀρώδης aliis, est اورود , *Urudah* aut *Orodah*, γρατιώτης : vel potius Armeniorum ԵՐԴԻ *ordi*, filius.

Παλμυρηνόν] Ita nummi, ita scriptores Græci & Latini, qui post Flavium Josephum & C. Plinium Secundum scripsere. Nemo vero quisquam, quod sciam, ante Cæsarum tempora ea voce usus est. Palmyra autem extincto ferme nomine Macedonico, Tadmora hodie vocatur. Nam, ut ait Marcellinus, *limitis Orientis urbes pleraque, licet Græcis nominibus adpellentur, primogenita tamen nomina non amittunt, quæ eis Assyria lingua institutores veteres indiderunt.* Ita in ipsa Arabia Bosra, بصرى, cum vulgo manet; quando Græca adpellatio Petrararius legitur. Sic Thapsacum cessit Syræ voci Tormidæ ترميد , Pella Buti. Salomon igitur sapientiæ laude cæteros reges Judæorum excellens, quo limitis regni sui ad Vulturum

ter-

terminum alterum constitueret & firmaret in Aram Soba, quam Syriam Euphratesiam interpretor, sive in Hamath, quæ est Syria Libanesis, maximam urbem condidit, ait Josephus, Thadamoram nomine, sive Themar, aut Thamar, ut bis scribitur in sacra scriptura Masoretarum & toties in exemplaribus Hebraicis tempore Hieronymi: aut sonorius Tadmar vel Tadmor, ut Thabor, Itabarium: Simyra, Taximyra: quomodo iidem Masoretæ legere nos jubent Regum priore, & omnis librarius Judaicus, Græcus & Latinus profert in Paralipomenis. Unde recte, ut solet fere ubique, observavit Hieronymus ad Ezechielis cap. 47. Palæstinæ plaga Australis, aut potius *εὐρόνοτος*, (id enim sæpius significat Theman in libris sacris) incipit a Thamar, *quæ urbs in solitudine est, quam & Salomon miris operibus exstruxit, & hodie Palmyra nuncupatur, Hebræoque sermone Tamar dicitur, quæ in lingua nostra palmam, sonat.* Dein sequente capite causam vocabuli addit: *Ab eo quod ibi palmeta sint plurima, quidam putant hoc sortitum vocabulum.* Prætereundum autem non est, divino Ezechieli & Plinio Secundo de situ Palæstinæ Vulturum versus bene convenire. Ait enim scriptor sacer illam plagam arenarum æquore satīs munitam, *ὡς πλάγιον π χεῦμα δεινὰν ἐρήμων*, ut loquitur

quitur Appianus, ad Austri terminum de Thamar usque ad aquas contradictionis Cades, quo de loco sic Eusebius in Geographia sacra: καθής, ἡ πηγὴ τῆς κρίσεως ἡ ὠθευμένησα τῇ Πέτρῳ τῆς Ἀραβίας. Ita Codex noster scriptus. Simili modo elegantissimus & nobilissimus scriptor Plinius Secundus: *Syriæ Palmyrenæ solitudines usque ad Petram urbem pertinent.* Et alibi idem: *Ad Petram utrumque bivium, eorum qui ἐκ Συριæ Palmyram petiere, & eorum qui a Gaza venerunt.* Munitionis autem Salomonice, quam prædicant sacre literæ & historia Josephi, firmitatem sensit omnino post tot sæcula Aurelianus Augustus. Nulla enim, inquit Vopiscus, pars muri Palmyræ est, quæ non binis ac ternis balistis occupata sit. Ignis etiam tormentis jaciuntur. Ridebant etiam propugnaculis freti cives Palmyreni Romanum imperatorem per transfennam murorum. Similiter Zosimus, Παλμυρηναῖν τῶν ἀσχυρῶν ὡς ἀδύνατον ἀλώσεως. Vidimus jam de conditore primo: quem ad tantas constructiones & finis regni, & palmarum copia, & aquæ calidæ, & propinquus Euphrates, & mercatura Assyria invitarunt, sicut Josephus Judæus primus observaverat, dein Plinius Secundus ex parte, atque mercatores Angli nuperrimo itinere demum comprobarunt. Verumtamen tanti domicilii, quantum jam e rui-



nis æstimamus & lugemus, non Salomon auctor esse potuit, quanquam ingentia sibi palatia, & admirabilem Deo vero ædem exstruxerat, non alius aliquis, quam satrapiarum duarum & septuaginta dominus & totius Asiæ rector a mari Syriaco ad Indum flumen, & Alexandri sui simillimus, Seleucus Nicator. Is, cum Antiocho nimium dilecto filio, præter Stratonicen uxorem, Babyloniam & Persiam concessisset, Salomonis regis Judæi veterem urbem magnificentissimis ædificiis illustravit, velut nidum mercaturæ Syriacæ & Persicæ, imo tamquam solium aptum unde filii sui regimen & fortunam despiceret. Notum autem est & tot civitatum adpellationibus in hoc usque tempus deductum, statuisse ubique potentissimum illum principem nominibus consanguineis aliisque urbes, ut sermo Macedonicus ferebat. In his ergo Palmyram dictam arbitror imitatione veteris nomenclaturæ, Tadmor, pro Φοινίκη communis Græciæ, ut Απάμεια, Πέλλα, & aliæ. Nam a glossa illa Macedonum πάλμυς, παλμύρα, φοινίξ, Φοινίκη palmam acceperunt Latini. Observat quoque Theophrastus ex palmis præstare basilicam & extra Bagoæ Belve hortos vix reperiri; eam proprie Palmyram dici puto. Imovero ne minus dubitemus, urbem illam, quomodo & Jericho, propter palmarum copiam עיר התמרים,

*ir tamarim*, nuncupari, & Palmyram, in triumpho Gallieni victoria æterna in nummis septies aut pluries tam palmam quam laurum gestat. Gallienus enim, quod ait Pollio, monetam Odenathi, is enim revera Persas vicerat & depulerat, qua Persas captivos trahe- ret cudi jussit. Quod & senatus & urbs omnis gratanter accepit. Cn. autem Pompejus, quan- tum ex Dione colligere licet, A. ante Christum 63. Palmyram primus Romanorum cepit, & præsidio Romano coërcuit. Quamquam post illa tempora respublica Palmyrena, sicut & prin- cipes scenitarum Arabum Acbarus & Alchan- donius, in medio quasi duorum imperiorum posita, ad partem fortio- rem amabat accedere. Jam post mœnia Salomonis, & basilicas Se- leuci, templa Hadriani sepulchrave si memo- rem, aut castellum Diocletiani, aut Justiniani magni propugnacula, nihil me ornamenti ad- dere Palmyræ existimabo, sed molem solam ac rudimentum, si cum operibus magni Se- leuci ea conferantur. Æquum igitur fuit ac gratum, ut a tanto conditore senatus popu- lusque Palmyrenus epocham temporum pro- ducerent: quod præter Chronicon Alexandri- num nummi adhuc monstrant, & de urbe illa & de aliis multis Syriæ quam Phœnicix; sed non de omnibus. Antiochia enim ipsa magna mater Syriæ, omissa Seleuci memoria a Julii

Cæsaris dictatura perenni incipiunt, Tyrii a Zabina regina, Ascalonitæ ab Octaviano Augusto, & a Domitiano Gazenses. De situ quidem Palmyræ quicquam his addere, non est otii nostri, non ægritudinis. Sufficiat dicere, mercatores Anglos id verum reperisse, quod Josephus & Plinius jamdiu adfirmaverant, mirabilem illam urbem itinere sex dierum a mari Syriaco abesse, sed diurno ab Euphrate flumine, si oppidorum, quæ transierunt nostrates, positus consideremus.

Βήλα ] בעל, *be'el*, dominus. Mox καβοσάρσα est a קבע שרשא, *cebæ sarša*, fixio stirpis & radicatio.

*Ad nonum decimum.*

Κεβατῆ ] Is erat Alexander imperator.

Αροαπήτιω ] Quid hoc monstri est? Malo ἀρχαγήτιω.

Γάλμης ] גלם, *galma*, perfectus, integer.

Μαλώχα. ] ملوحي, *malucon*, & ملاي, *malacon*, rex.

# ANNOTATIONES THOMÆ SMITHI

I N

## MONUMENTA PALMYRENA.



Ntequam notas, quibus monumenta hæc illustrari possint, aggrediar, pauca de Palmyra, illius initiis, situ; nomine, item de æra annorum; quibus marmora signantur, præfari omnino oportet.

Tadmoram civitatem, postea Palmyram nuncupatam, in deserto superioris Syriæ sitam, olim a Solomone conditam exstructamque fuisse, e sacris literis constat, 2 Chron. viii:4. quem textum reddit vulgatus Latinus Interpres, & *ædificavit Palmyram in deserto*: (ita enim scribi debet, non Palmiram, ut male excuditur) jactis nimirum ab ipso primis fundamentis, cum nunquam antea habitaretur, ut male in sua versione Arabs Interpres innuit, quasi dirutam suisque ruderibus jacentem tantum reparasset. Hæc Græcis Interpretibus in exemplari Vaticano *Θεδµορ*, in Alexandrino *Θεδµορ*. In loco parallelo 1 Reg ix. ubi quoque de urbibus ab illo Rege sapientissimo & magnificentissimo aut exstructis aut munitis agitur; multi versus in codice Vaticano desunt. qui in Ebraico, vulgata Latina versione, inque versionibus Syriaca & Arabica, & etiam in Alexandrino reperiuntur;

in quo diverso modo scribitur, v. 18. καὶ τὴν Θερμοῦθ ἐν τῇ ἐρήμῳ. S. Hieronymus in libro de locis Ebraicis, *Thermoth civitas, quam edificavit Solomon in deserto.* Ita enim ad fidem codicis manuscripti edidit Erasmus Basileæ 1537. licet postea Victorius in sua versione reposuerit *Themor*. Ab hac autem varia lectione Græca verisimile est S. Hieronymum istud nomen formasse: quod vix alibi occurrit. Thermoth enim mihi quidem videtur ex inversione & transpositione literarum fluxisse a Θαδμὸρ, τῷ δ in θ, ejusdem organi literam, mutato. Josepho Θαδαμόρα. Videtur provenire ab Arabico دمار, *damara, instigavit, provocavit ad pugnam*: inde دمار, & دميرون, *damiron, vir fortis, suorum protector & defensor*. Nomen ergo urbi, quæ in extremis dominii Solomonici finibus condita, propugnaculum erat contra impetus & incursiones hostium, bene impositum. Nec obstat, quod Tadmor a Gieuhario, Abulpharagio, aliisque Scriptoribus Arabibus scribitur دميرون, cum د & ر, literæ ejusdem cognationis, fere eundem sonum habeant, hac blæse & quasi cum aspiratione pronunciata, illa vero fortius.

Errat S. Hieronymus, qui in commentario ad Ezechielis XLVII: 19. & XLVIII: 28. juxta Ebraicos codices legendo תמר, *Tamar*, eandem esse vult cum Palmyra: cujus verba hic apponam. Ad illum locum: *Hic vero terminus plage australis, h. e. meridiane, incipit a Thamar, quæ urbs in solitudine est, quam & Solomon miris operibus exstruxit, & hodie Palmyra nuncupatur, Hebraeoque sermone Tamar dicitur, quæ in lingua nostra palmam sonat.* Ad hunc vero: *Tha-*

*mar*



*mar ipsam, de qua jam diximus, quam nunc Palmyram vocant, & olim a Solomone constructa est, (palma enim Hebræo sermone Thamar appellatur) ab eo, quod ibi palmæ sint plurimæ, quidam putant hoc sortitum vocabulum.* Situs repugnat. Palmyra enim ad Orientem Hierosolymorum protenditur: urbs vero ista est limes Palestinæ Syriacæ ad austrum. Omnino illic juxta Septuaginta Seniores legere debemus *Θαμ. ἀν.* Teman autem notissima Idumæorum regio, cujus in sacris literis frequens occurrit mentio, ob situm australem ita nuncupata. Ob affinitatem igitur soni Tamar & Tadmor, nomina diversæ originis & diversi significatus, ab Hieronymo confunduntur. Ii vero, qui suavi hoc insomnio abrepti, Palmyram a palma, quasi a multitudine palmarum, derivari volunt, mire decipiuntur. Nomen ergo Palmyra juxta hos erit Latinæ originis, quod plane putidum commentum est: neque enim quicquam cum lingua Latina, nisi ex accidente, & in priori parte ex cognatione soni, commune habet. E Græcia omnino etymologiam illius petere oportet. Pudet vero in aliorum hariolationibus refutandis immorari. Quidni etiam & ipse pari venia & licentia hariolabor? Sita erat urbs hæc, uti maxime liquet, in solitudine, & in solo falsuginoso, & prope vastam salis planitiem. Cur non ergo nomen inde desumi possit? Civitas collocata & exstructa *ἐπὶ ἀλμυρᾷ* viz. *γῆς*, ob singularem & illi maxime peculiarem posituram & situm: cum cæteræ urbes a Fundatoribus suis condantur *ἐπὶ ποταμῷ* aut *ἐπὶ θαλάσσῃ*. Inde oppositio clara ex natura soli, juxta quod urbs ista ædificatur. Nec exceptio valet, tum dici oportuisse *φάλμυρα*; cum notum sit, Græcos ab aspirationibus, quas Grammaticæ leges solent inducere, sæpenumero

ro abhorrere. Ita Græcis Pygmalion pro Phygmalion, nomen Phœniciæ originis, ut dudum observavit Scaliger: quod tamen illo modo scriptum occurrit in fragmentis Menandri *ὅτι τῆς ἐν Τύρῳ βασιλευ-  
κότητων.*

Sed de statu hujus urbis, quot quantasque mutationes, immota, ut videtur, regiminis politici forma, servatis nimirum suis juribus priscaque *αὐτονομία*, postea subierit, sub Assyriis, Persis, Macedonibus, Parthis, Romanis usque ad tempora Aureliani, qui illam victa Zenobia, fœmina potentissima, expugnavit, tandemque ob stragem militum præfidiariorum, quos illic reliquerat, Romam petiturus, a rebellantibus civibus factam, acri indignatione accensus, reducto ex Europa exercitu, in Palmyrenos immanissime sæviens, evertit: quomodo etiam sub Christianis Imperatoribus denuo instaurata floruerit, ad dignitatem & honorem sedis episcopalis erecta, novisque propugnaculis *φρούριον* istud a gloriosissimo Imperatore Justiniano munitum fuerit, donec labascente Græcorum imperio occupaverint Arabes barbarique Turcæ, differere non est animus: cum ea cuivis Lectori in istorum temporum historiis Græcis Romanisque vel mediocriter versato satis obvia sint; quorumque, si quis id operæ pretium fore duxerit, compendiarium narrationem ex capite tertio dissertationis secundæ longe eruditissimi viri, D. Novissii de epochis Syro-Macedonum petere possit.

Quod vero auspiciis Seleuci Nicatoris, totius Syriæ domitoris, ex ruinis ruderibusque, quæ Assyrii induxerunt, quasi de novo condita, majorique quam antea habuisset splendore aucta fuerit Palmyra, licet id ex expressissimis Strabonis, Appiani, aliorumque  
testi-

testimoniis non constet, tamen concinne ac commode colligi posse videtur. Nam Rex ille, prudentiæ ac fortitudinis laudibus pariter insignis, ut utar verbis Ammiani Marcellini lib. xiv. *abusus multitudine hominum, quam tranquillis in rebus diutius rexit, ex agrestibus habitaculis urbes construxit, multis opibus firmas & viribus: quarum ad præsens pleraque licet Græcis nominibus appellentur, quæ iisdem ad arbitrium imposita sunt conditoris, primogenia tamen nomina non amittunt, quæ eis Assyria lingua institutores veteres indiderunt*: inque harum numero Palmyram sive Tadmoram, urbem binominem, jure recenferi posse quid vetet? præsertim cum non longe post inter celeberrimas Syriæ civitates eminuerit. Palmyrenos autem in signandis annis æra Seleucidarum pariter ac alios Syriæ populos usos fuisse, sequentes Inscriptiones luculentissime demonstrant: de qua hic *ὡς ἐν παρόδῳ* paucis agam.

Hæc æra deducenda est a decimo tertio anno post Alexandri obitum, cum quo concurrit primus Seleuci annus. Anno enim superiori, h. e. duodecimo a morte magni Macedonis, ad finem vertente, dux ille fortissimus e partiariis Alexandri successoribus, expugnata & capta Babylone, Asiæ, & præcipue totius Syriæ, imperium sibi posterisque suis victricibus armis asseruit. (a) Eusebius de demonstratione Evangelica lib. viii. καθ' ὃν i. e. temporibus Oniæ Pontificis, Σέλευκος Βαβυλῶνα κρείησας, τὸ τῆς Ἀσίας ἀεικίθελαι διάδημα, ἔτει δωδεκάτῳ μὲν τὴν Ἀλεξάνδρου τελευτήν. Quod præclare quoque observavit Vlugus Beigus, Tamerlani magni nepos, in dissertatione de Epochis celebrioribus Orientalium, quam Vir Doctissimus Joannes Gravius,

C 3

olim

olim Astronomiæ apud Oxonienses Professor Savili-  
nus , Persice & Latine edidit. cap. 11. *de cognitione Epochæ Rummæ sive Græcæ*: cujus verba hæc sunt.

(b) *Hæc epocha die Lunæ, elapsis annis duodecim solaribus a morte Alexandri, filii Philippi Græci, initium duxit.*

Ab hoc ipso tempore, ut annotavit Eusebius, τὴν Ελ-  
λάνων βασιλείαν ἢ τῆς Μακκαβαίων γραφὴ κατὰ εὐμεΐδα  
ἀρχεται: *Græcorum regnum numerare incipit Macca-*  
*beorum historia.* Ibi enim appellantur ἐτὶ βασιλείας Ελ-  
λάνων. Inde ab Arabibus & Persis æra hæc nuncupata

تاريخ الیودانیين, *Epocha Græcorum*, sive communius

تاريخ رومي, *Epocha Rummæ*, sive *Rumæorum*, i.e.  
*Græcorum.* Chrysocæ ἐτὶ Ρωμαίων. Ita Orientales  
olim Græcos appellabant, ut hodie Turcæ. Juxta  
hanc æram multæ civitates populique Syriæ & Meso-  
potamiæ, & Arabes quoque, tum Christiani, tum  
Mahommedicæ infaniæ & superstitionis sectatores &  
discipuli, annos suos computare erant soliti: qua po-  
tissimum usus est (c) Albatanius in suis cœlestibus ob-  
servationibus, quas Aracæ sive Aractæ ad Euphratem  
ante octingentos annos habuit. Incepit ergo hæc æra  
anno periodi Julianæ 4402. a calendis Octobribus:  
h. e. annis 312. ante vulgarem Christi epocham: quod  
ex Inscriptione XI. ubi de tempore, quo Julius Phi-  
lippus Arabs præfectus Prætorio erat constitutus, agi-  
tur, certo constat. Hinc facili applicatione anni æræ  
Seleucidarum, in marmoribus recensiti, annis Christi  
assignari possunt. Plura hic addere nunc non necesse  
erit. Qui subtiliores intricatioresque Syriacæ chrono-  
logiæ apices edoceri vult, adeat, & quidem cum fru-  
ctu

(b) Pag. 17. Londini 1640.

(c) Viz. anno Hegiræ 269. Christi 882.

Qu maximo, consummatissimos horum temporum supputatores, Josephum Scaligerum de emendatione temporum lib. v. Jacobum Usserium Armachanum de Macedonum & Asianorum anno solari, & supra laudatum Henricum Novisium. His prælibatis, ad annotationes in marmora Palmyrena, quæ primo loco & præcipue explicanda suscepi, progredior.

*Ad monumentum primum.*

ΓΙΧΟC. An ab Arabico غيظ, *gaijak*, *perturbatus & inconstans in consilio?*

ΜΟΚΙΜΟΥ. Nomen hoc apud Syros satis commune, in hisce monumentis quinquies reperitur. Μόνιμος, *stabilis, constans*, nimirum a quarta conjugatione τῶ قام, inde مقام, *mokam*, *successor*, quasi positus & constitutus loco alterius; ut explicat doctissimus Golius.

ΚΑΙΑΚΙΑΑCICΟΥ. Ita in exemplari ex Syria transmissio, quod apud me habeo Vox, ut videtur, admodum perturbata, nec qualicunque conjectura facile restituenda. Quid si, unica litera transposita, legeretur. ΚΑΙΑΚΙΑΑCICΟΥ? a قلافا, *kalaka*, *commotus & inquietus fuit*, & a لازيز, *lazizo*, *vehemens, conjunctus, & individuus socius*. Sed fortasse probabilius videbitur legendum ΤΟΥ ΚΑΙ ΑΚΙΑΑCICΟΥ, in quo nomen Dei, cum epitheto *fortis*, continetur. אלעזר, *El azzur* Ebraice, الله عزيز, *Alla aziz* Arabice. Sed hoc est hariolari; & omnino pudet.



MA... ΟΥ In MS Incertum, an ΜΑΛΧΟΥ, ΜΑΝ-  
ΝΑΙΟΥ, vel quippiam tale: nec refert.

Si numeri recte in charta, prout exstant in marmo-  
re, signentur, erit hæc Inscriptio omnium, quas vi-  
derunt nostrates *Οδοιπόροι*, antiquissima, anno nimi-  
rum æræ Seleucidarum CCC. XIV. h. e. æræ vul-  
garis Christi tertio. Sed spero Descriptorem mihi au-  
dacix veniam pro candore suo indulturum, si, annon  
illic exstitisset ΔΙΥ, quo anno & mense monumentum  
sequens Elabeli conditum erat, dubitavero. Præterea  
figuræ literarum cum tanta antiquitate non conveniunt.  
Nam ut optime observavit Vir Eruditissimus, (d) D.  
Harduinus, τὸ C pro Σ vix occurrit in nummis aut mar-  
moribus *ante Domitiani principatum, post illum non aliter*  
*fere*: veteri forma pingendi σίγμα per Σ prorsus able-  
gata. Quod de characteribus literarum Ε & Ω pari-  
ter dicendum est. Hoc plane invictum mihi videtur  
argumentum, aut Quadratarium aut Exscriptorem in  
notatione anni hujus marmoris errasse.

ΞΑΝΔΙΚΩ. Ita semper scribitur cum Δ in hisce mo-  
numentis.

### *Ad secundum.*

EKTICAN. Male, ni fallor, exscriptum pro EKTI-  
CEN. Hoc enim monumentum ab Elabelo solo, ΑΥ-  
ΤΩ, (ita exerte legitur in MS. non ΑΥΤΟΙC) sibi &  
filiis conditum erat. Mannæus, Sochæus, Malchus,  
ad eundem pertinent, & quasi agnomina debent re-  
putari, assumptis, ad ipsum a reliquis ejusdem nomi-  
nis

(d) De nummis antiquis populorum & urbium pag. 15. & de  
nummis Herodiadum. pag. 31. 84.

nis distinguendum, & avi & proavi nominibus. Filius erat Vaballathi, quod nomen videtur a Palmyrenis amari: de cujus origine mox agam.

ΕΛΑΒΗΛΟC. Quasi a Deo Belo. Belus autem a בל, five contracte בל, quod Chaldaice, *dominum* significat, ut omnes norunt.

MANNAIOC. A مانع, *mana, largitor, munificus*; vel potius a من, *manua, benevolus & benignus fuit, bene fecit.*

COXAEIC. Forte pro COXAHIC, diphthongo ei in hisce Inscriptionibus interdum pro vocali " posita. Incertum, an a סא, *saka, five ab assiduitate laboris*, an potius Elabelus fuerit ortu *Sochaus*, non a civitate Σοχωθ, *Sochotha* in Judæa, quam condidit Roboamus, filius Solomonis, II Chron. II: 7. Sed a *Sockis*, (ΣΟΧΟΙC) Assyriæ urbecula, de qua Arrianus in lib. II. expedit. Alexandri: Η ὁ χωρὶς ἔτι ἐστὶ μὲν τῆς Ασσυρίας γῆς, ἀπέχει ὅ τῃς πυλῶν τῇ Ασσυρίων ἐς δύο μάλιστα σταθμῆς.

MAAXOC. A מלך, five מלך, *malech, rex*. Nomen apud Syros & Arabes admodum frequens. *Malchus* servus Pontificis Judæorum, apud S. Joannem XVIII: 10. *Malechus* Nabatæus apud Dionem lib. XLVII. & *Malechus*, Podofaces nomine, Phylarchus Saracenorum apud Ammianum Marcellinum lib. XXIV. Ita quoque a pueritia lingua patria nuncupatus fuit Porphyrius philosophus. Nomen enim *Malchi* præceptor ejus Longinus in vocem cognatæ significationis, ΠΟΡΦΥΡΙΟΝ, Græcorum auribus longe jucundiores gratioreque convertibat. Purpureæ enim vestes erant propriæ Regum & Imperatorum. V. En-

napium in vita Porphyrii. Ut a cæteris ejusdem nominis recensendis abstineream.

ΟΥΑΒΑΛΛΑΘΟΥ. *Vaballathus* a vehementi mentis impetu nuncupatus. *Ἰδῶ*, *vabala* enim, acriter persecutus fuit prædam, notat.

*Ad tertium.*

Teibæ ab oriente Palmyræ versus Euphratem, quam tertio die attigerunt, lapis muro Moscheæ inversim affigebatur, hoc modo inscriptus.

ΚΕΡΑΥΝΙΩ. *Jovi fulminatori*. Titulus frequens & in inscriptionibus & in nummis. V. illustrem Spanhemium de usu & præstantia numismatum dissert. v. & eruditissimum Novisium de epochis Syro-Macedonum, dissert. III. cap. 8. Composita Jovis epitheta apud Homerum *Τερπικέραυν* & *Αργικέραυν* vel pueris nota.

ΑΤΑΘΑΝΤΕΛΟC. Ista fuit antiquorum temporum orthographia, quam posteriores Grammatici immutaverunt. Infinita enim pene occurrunt *τῷ* ante *γ* & *κ* in vetustis membranis, marmoribus, & nummis exempla, cuivis vel indiligenti Lectori satis obvia.

ΑΒΙΑΗΝΟC. Abila urbs Cœle-Syriæ, quam recensent, (e) Plinius & Ptolemæus in regione Decapolitana. Est & alia urbs ejusdem nominis in Palæstina, quam a priori distinguit Stephanus Byzantinus: *Αβιαν πόλις ὅτι τῷ Ἰορδάνῃ*: h. e. citra istum fluvium, cujus

(e) Nat. Hist. l. v. c. 18. *Fungitur ei (Judææ) latere Syria Decapolitana regio, a numero oppidorum, in quo non omnes eadem observant. Postea: Intercursant cinguntque has urbes tetrarchia, regionum instar singula, & in regna contribuuntur: Trachonitis, Paneas, in qua Casarea cum supra dicto fonte, Abila, Arca, Ampeloeffa, Gabe,*

cujus sæpe meminit Josephus. Utraque vero regio Decapolitana ( a numero decem urbium nuncupata ) tam Phœnicum quam Syrorum , ex aliqua parte ab invicem interfluo Jordane olim distincta, ob vicinitatem & conterminos fines interdum confundi videtur. Agathangelum vero Syrum potius quam Palæstinum fuisse crediderim.

Reliqua de altaribus aliisque monumentis votivis pro salute felicibusque Imperatorum expeditionibus , pro domus augustæ incolumitate , pro denique illorum vitæ & imperii perennitate, & de ædium sacrarum apparatu & choragio , a quamplurimis Philologis millies explicata & cognitissima, nulla illustratione egent.

*Ad quàrtum.*

Columnas, obeliscos, & altaria in perpetuam Benefactorum, qui de patria est Dis municipibus præclare meriti sunt, memoriam erigere , ab omni ævo apud quasvis bene moratas gentes solenne erat , istiusmodi monumentis illorum virtutes & pietatem suamque gratitudinem testaturas.

BAPEIXEIN. Βαπεῖχνν. בָּרַךְ, *baruch*, Ebraice *benedictus*, و بَارِكْ, *barik*, Arabice *benedictione* & *copia abundans*. *Baruch*, minister & Amanuensis Jeremiæ Prophetæ; Βάρυχος Græce, & cum additamento divini nominis Jah, *Barachias*.

AMPICAMCOY. Amri, Omar, & Omri, nomina apud Palæstinos, Syros, & Arabes frequenti in usu. Hic distinctionis gratia additur καμσος a שמש, sive شمس, *sams*, quod *Solem* significat. Hinc Esseni, qui, ut (f) Philo & (g) Josephus scribunt, bis sin-

(f) περὶ βίης θεωρητικῆς.

(g) De bello Judaico lib. II. cap. 12.

singulis diebus h. e. ad ortum & occasum Solis, facie  
*εἰς ἥλιον*. h. e. ut ego interpretor, versus Solem  
 conversa, solennes orationes habuere, quod alibi fu-  
 sius probabo, a (h) S. Epiphanio nuncupantur *Σαμ-  
 ψᾶνοι*, h. e. *ἡλιακοί*, ut ille recte vertit.

ΙΑΡΙΒΟΛΕΩΣ. *Ιαριβολεύς* eadem vox esse videtur,  
 quoad originem suam, cum *Ιαριβώλω*, de quopostea,  
 licet diversæ formæ.

Notæ numerales anni erasæ erant, nec potuerunt  
 legi: quod dolendum est.

*Ad quintum.*

ΑΛΙΛΑΜΕΝΑ. *حلیل*, *halil*, conjux, maritus, con-  
 tubernalis: vel *خليل*, *chalil*, amicus intimus: &  
*امين*, *amin*, firmus, securus, fidus.

ΠΑΝΟΥ. Forte a *فان*, *phana*, *evanidus*, *caducus*,  
*etate confectus*.

ΠΑΝΟΥ ΜΟΚΙΜΟΥ. Ita in exemplari manuscripto,  
 juxta quod harum Inscriptionum editio in Actis Phi-  
 losophicis exigebatur. Ideo male interponitur articu-  
 lus ΤΟΥ, qui hic plane abjiciendus est. Panus Mo-  
 cimus unus idemque est hisce duobus nominibus in-  
 signitus.

ΠΑΤΕΡΑ. *Avum* interpretari oportet: non enim  
 aliter sibi constabit Inscriptio, cum Alilamenes perspi-  
 cue hic nuncupetur filius Pani Mocimi, & ΤΟΥ ΑΙ-  
 ΠΑΝΟΥ, Airanis nepos. Quod vero *πατὴρ* ita reddi  
 possit, non a vero abhorreere videbitur illi, qui modis  
 loquendi



loquendi apud Judæos, Chaldæos, & Syros paulo diligentius attenderit. Quod unico exemplo demonstratum ibo. Certissimum est, Nabuchodonosorum, qui *pater* Baltasaris. Dan. v: 3, 11, 13. ter expresse nominatur, fuisse illius avum: Baltasarem identidem, illius filium nuncupatum, fuisse Evilmerodachi filium, & Nabuchodonosori nepotem: quod ex collata sacra historia cum aureis Berosi & Abydeni fragmentis manifestissime constat.

*Ad sextum.*

ΑΦΙΕΡΩΘΗ ΑΑΙΑΥΝΑΙΟΥ ΤΟΥ ΑΜΦΕΤΟΥΤ - Ita in MS. Legendum omnino Α ΑΥΝΑΙΟΥ h. e. primo die mensis Audynæi anni DXLI. quod certissimum est, nec a quoquam negandum. Numerus & ductus literarum hanc emendationem facillime admittunt. In cæteris Inscriptionibus, ut passim videre est, anno apponitur mensis Syro-Macedonicus. Nec minus solennis fuit apud Græcos & Romanos mos iste menses annotandi. Infinita pene apud Gruterum (i), Reinesium, & Sponium occurrunt exempla: ex quibus unum tantum, cum sit prorsus similis argumenti, hic subjiciam.

DEDICATVM K. OCTOBR.

L. CVSPIO RVFINO

L. STATIO QVADRATO COSS.

An lapis iste sit basis statuæ aut columnæ, sive tabula portæ fani, a Materno, Pappo, & Marco dedicati, ii, qui viderunt, in itinerario non animadvertunt,

(i) apud Gruter. M. LXXXII. 18.

tunt, solummodo contenti dixisse, magnam illius partem subtus terram defixam fuisse.

Mutilationes reliquasque inter exscribendum admissas alliterationes conjecturis refarcire conari vix operæ pretium erit.

*Ad septimum.*

ΜΑΛΗC. Proculdubio nomen Syriacum, nec temere immutandum, boni ominis & optandæ felicitatis causa, **مالي**, *mali*, *opulentus*, *dives*, a parentibus pro more apud Judæos, Syros, Phœnices, maxime usurpato impositum. Inde enim amor parentum erga liberos, quibus recens natis, faustis nominibus arreptis, bene ominantur, primo apparet. Gente & origine Malen, qui & Agrippas cognominatus, & quo nomine Romanis, sive victoribus, & dominis, sive hospitibus innotuit, Syrum fuisse, ex nominibus patris & avi liquet.

ΙΑΡΑΙΟΥ. *Faraus* forte ab Ebraico **יָרָא**, *jare*, sive Arabico **يراع**, *timens*, *trepidus*. Nam veram omnium Syriacorum nominum significationem pro certo eruere & firmare difficillimum, nec id quisquam, nisi parum prudens judico, præstabit.

ΡΑΑΙΟΥ. *Raens* a **רעה**, sive **رعي**, *pavit*, *custodivit*, *rexit*, *curavit*. Sed ad certiora procedo.

Males ille erat Scriba iterum in solennibus ludis & conventibus constitutus: vel saltem pro ista vice, quando Palmyræ aderat Hadrianus cum exercitu. De dignitate & munere **τραπεζιτέων** Seldenus ad marmora Arundelliana, Reinesius in præclarissimo & nunquam fatis laudato Inscriptionum antiquarum Syntagma-

mate,

gmate, & (k) Harduinus in nummis antiquis abunde egerunt : quorum scrinia expilare , ut turpe & inhonestum , ita in re manifesta multijugam lectionem ostentare , ex solis indicibus inspectis consultisque , hominis vani & plane *δοκισιόφης* jure censebitur.

Vir sane sui nominis Males, si de origine illius non prorsus male conjectatus sum., & popularis auræ cupidissimus, qui, quo tempore Hadrianus imperator suscepta versus Persidem & Arabiam expeditione illac transiret, benignitate magnifica tum erga hospites & advertores, tum erga municipes & concives suos exhibita, ΑΛΙΜΜΑ, seu, ut scribi oportuit, *ἀλειμμα*, *oleum* in illorum subsidium & refrigerium suppeditavit. Hadrianus autem anno regni undecimo, qui decimo die Augusti anni Christi CXXVIII. finiebatur, Torquato Asprenate & Annio Libone Coss. ab istius anni Juliani initio in Orientem suscepto itinere, in Syriam pervenit, & inde per Arabiam in Ægyptum profectus est: ut ex nummis isthoc anno, in multis Syriæ & Ægypti civitatibus, in illius honorem, dum præsens aderat, percussis, quorum meminit Harduinus, ad eundem annum clarissime demonstrat doctissimus (l) Pagius. Quamdiu vero Imperator ille Antiochiæ, aut Palmyræ, cæterisve Syriæ urbibus infederit, nondum liquet. Hoc autem primo illius in Syriam adventu Malen, præclaris muneribus apud suos defunctum, postea Romanorum exercitui versus Arabiam & Ægyptum proficiscenti inserviisse, mihi quidem plusquam verisimile videtur. Sed res extra dubium fuisset posita, modo calculus sive notatio anni in marmore comparuisset. De hac vero aliisque numerorum erasionibus

(k) Pag. 331.

(l) Critic. in Baronii Annales.

bus passim obviis maxime dolendum est.

Oleum illud balneis Agrippæ sumptibus impensum; aut lampadibus, aut, quod huic Inscriptioni magis videtur accommodum, corporibus ungendis inserviebat. Apud Romanos, Græcos, Orientisque populos, uti hodie apud Turcas, non modicum ἀνδραγαθίμια habebatur, balneas & lavacra erigere, aut ruinis propè obnoxia reparare, pecuniis quoque perpetuis dono datis ad ministrantium, ut præsto adsint, aliarumque rerum, puta, lignorum, olei, aquarum, quarum usus in thermis necessarius, procurationem: ut ejusmodi balneæ parietibus & pavimento integræ perennarent, & denique ut lavationes fierent gratuitæ; ut fuse ostendit Reinesius, vir unde quaque doctissimus, & cum maximis hujus seculi viris merito comparandus, in prælaudato opere.

Cum vero balneorum usus in exercitationibus gymnasticis esset constantissimus, athletarumque corpora ad firmandos artus inducendumque vigorem ungerentur, beneficium hoc Agrippæ eo usque extendi posset, & merito quidem, modo ejusmodi palæstritarum collegia apud Palmyrenos tunc temporis instituta fuisse constaret.

ΥΠΗΡΕΘΗCΑΝΤΑ. In Inscriptione XI. vox eadem occurrit. Proculdubio in ista expeditione Hadrianum comitatus est Agrippa, tanquam dux viæ, cui regiones istæ, per compendia viarum a militibus peragrandæ, erant cognitiissimæ, & alia ministeria, quibus, utpote indigena, optime defungi norat, exercitui utilia obibat.

*Ad Octavum.*

ΕΠΗΚΟΩ Elogia, quæ supremo ac vero numini maxime

maxime conveniunt, Jovi a superstitionis Gentilibus, tum sparsim, tum cumulate, pro more attribuuntur. Ita nimirum pro versutia sua miseris cæcisque hominibus imposuit Diabolus, ut iisdem titulis, iisdemque ritibus ac cultu, quem ipse Deus instituit, æmulatione arrogantissima honorari voluerit. Vix quippiam elogium aut divinæ bonitati aut curæ ipsius & amoris erga mortales, in angustiis dira necessitate constitutos, aut hostium vi oppressos, aut morbis, egestate, aut quocunque periculo, potissimum instante mortis meta, implicitos aptari poterit, quam τῷ Ἐπικόου, h. e. *Dei propitii & illorum preces facili aure exaudientis. Deus, qui exaudis orationem*: ut habet codex Ebraicus Psalm. LXIV. II. Phrasis quoque solennis, ἐπαυέας τῆς ἐυχῆς Θεός apud Græcos Scriptores, a veri Dei cultu alienos: quod etiam dicat ratio naturalis. Mirandum vero, titulum hunc in altaribus, statuis, aliisque monumentis ob victoriam, salutem, aut beneficium qualecunque ex insperato collatum, erectis non frequentius comparere, tantumque bis in vasto opere Gruteriano, quod ex accuratissimo indice, inexhausta Josephi Scalligeri diligentia confecto, cuivis obvium est, reperiri.

ΒΩΑΝΟC. *Bolanus* Syrus ex nobili & antiqua familia satus, ut ex congestis recto ordine & serie majorum nominibus liquet. Ebraice & Phœnicice בועל *Boel* (Syriace *Baol*) *ani, dominus sive patronus pauperum & afflictorum*. Quidni enim participium primariam verbi significationem retinere possit, ac idem plane esse cum substantivo בעל *Baal*? *Boel* sive *Baol* juxta Græcæ linguæ genium cum terminatione usitata bene & recte redditur Βῶλος: quod ut hic in compositione præfigitur, ita quandoque postpositum in fine nominum propriorum, prout imponentibus



bus visum fuit, reperitur, ut hic *Faribolus*, & in Inscriptione Græcæ tabulæ postea memorandæ ab Heliodoro Palmyreno apposita, *Aglibolus*:

ΑΓΑΙΒΩΛΩ ΚΑΙ ΜΑΛΑΧΒΗΛΩ ΠΑΤΡΩΟΙΣ ΘΕΟΙΣ.

Neque enim ista lectio mihi videtur ullatenus sollicitanda, quasi errasset quadratarii manus, quod contendit Scaliger qui ΑΓΑΙΒΗΛΩ vult legendum. *Aglibolus* autem est *dominus temporis præfiniti*, h. e. qui fatales hominum vitæ terminos constituit. Vox enim *اغال* *aghal*, in alieno licet sensu in sacro codice semel tantum reperitur, in lingua vero Arabica *اجل*, quæ per tot terrarum plagas diffusa, origines vetustosque vocum Ebraicarum significatus servavit, hoc sensu frequentissime occurrit. Bolanus apud Syros nomen satis notum, qualis ille Bolanus, (incertum Episcopus an Presbyter) in fronte epistolæ encyclicæ Assessorum Synodi Antiochenæ, de qua postea, contra Paulum Samosatenum scriptæ: e qua gente Nicomus Iconiensis Episcopus & Malchion Presbyter, illic quoque memorati, ex notatione nominum oriundi videntur.

ΖΗΝΟΒΙΟC. Forte ab obæsitate corporis primo ita nuncupatus, a *زنب* *zaniba*, pinguis fuit.

ΑΙΡΑΝΟY. *Airanes* ita boni ominis causa appellatus: *ارن*, *arin*, *alacer*, *letus*.

ΜΑΘΘΑ. Idem ac *Matthan*, *Mattheus*, *Mattathias*, *Mattathias*; nomina apud Syros & Palæstinos notissima. h. e. donum Dei. Græcè *Dositheus*, *Theodorus*.

ΕΦΘΑC ΠΗΓΗC. In MS. ΕΦΚΑC. Hinc quidam afinitate soni ducti, ΑΦΑΚΑC legendum statuunt: argute magis, quam vere. Hanc enim *παρὰδιδόθωσιν* neque constructio verborum neque veritas rei feret: quod

quod paucis ostendendum. Αφακα, inquit (m) Zosimus, χωρίον ἐστὶ μέσον Ἡλιουπόλεως τὴ καὶ Βύβλου, καθ' ὃ ναὸς Ἀφροδίτης Ἀφακίτιδος ἱερὺται : *Aphaca locus inter Heliopolim & Byblum, ubi est fanum Veneris Aphacitidis*: fanum nimirum in luco acclivi & devio, ut Eusebius docet, lateraliter versus cacumen montis Libani excurrente situm, quo explendæ infandæ & spurcissimæ libidinis gratia confertim & quasi agminibus collectis impurissimi homines ac mulieres omni pudore vacuæ sese contulerunt, quasi sub tutela & patrocínio Veneris in locis istis impeditis, ubi nemo moribus gravis & modestus accedere ausus est, flagitiosa quæque perpetrare licuisset. Hanc turpem nequitiarum scholam tandem funditus everti iussit Constantinus Imperator: ut in oratione in tricennalibus habita de laudibus Constantini sect. VI II. fuse & eleganter ostendit idem Eusebius, ubi τὸ ἐν Αφακαῖς excidisse videtur: & iisdem verbis postea repetit in tertio de vita magni illius Imperatoris libro cap. 55. e quo hauserunt (n) Socrates & (o) Sozomenus. Sed fontis nulla apud Eusebium mentio. Lacum quendam in modum cisternæ artificii manu fabricatum ab illo fano non procul abesse dicit Zosimus, de quo strenuus iste δεισιδαιμονίας Gentilium pugil multa miranda fingit: hunc lacum in flumen cognomento Adonidis, poëtices næniis delusus, Sozomenus convertit. An vero quicquam cum hoc lacu sive fluvio commune habeat fons in Inscriptione memoratus, viderint alii: vix enim illud admiserim: præsertim cum τὸ Εφκάς pro Αφακάς aut Αφακάς poni posse ab omni verisimilitudine abhorreat. Τὸ enim Αφακά,

D 2

nomen

(m) Pag. 53. edit. Oxon. 1679.

(n) Hist. Eccl. l. 1. c. 18.

(o) Hist. Eccles. lib. 111. cap. 5.

nomen loci, aut illius partis Libani, ubi templum Veneris condebatur, semper plurali numero effertur apud supra dictos Scriptores.

Deinde talem verborum positionem & ordinem non patitur Grammatica: quod pueri septennes norunt. Si enim proprium nomen fuisset, illud postponi oportuerat. Quid si ergo legerim  $\text{IEPAC}$ , cum idem sit literarum numerus; quasi Bolanus cujuspiam sacri fontis prope Palmyram Curator fuisset constitutus? Restat hodie fons quidam perennis, per intervallum horæ, uti mos est apud Orientales locorum distantias metiendi, ab urbe diffitus, cujus latices, tanquam gustui maxime gratos & salubres, nostrates, quibus præ vino erant pro deliciis, experti sunt, mirisque celebrant laudibus. Sed in re obscurissima nihil certi statuendum est, donec novum lumen, quod opto, ex marmore iterum meliusque inspecto oriatur.

Hæc pridem scripsi, de vera hujus vocabuli lectione plane dubius; præsertim cum Descriptor, qui illud proprium fontis nomen esse vult, de ipsius fide & diligentia nos hac ex parte pene securos secum esse jufferit. Sed Londini consiliis cum Amico integerrimo, D. Bernardo, jam tum ex Hollandia reduce, cujus sublimi ingenio dubia quæque & difficilia, quæ in hisce Inscriptionibus occurrunt, facile in adnotationibus explicabuntur, hac de re communicatis, respondebat se alio exemplari adjutum legisse  $\text{EΘΘAC}$ . De cujus sententiæ, in quam facilis ibam, veritate & certitudine confirmator redditus sum, quod in nostratium Itinerario sive Palmyræ Notitia reppererim, aquas calidas, canaliculis inclusas & perpetuo labentes, illic passim abundare: potissimum vero dimidio ab urbe versus occidentem milliari, in quas facile & commode descenditur,

ditur, & quo etiam hodierni incolæ valetudinis aut conservandæ aut redintegrandæ causa frequentes accedunt. Prope vero hunc rivum sive columnæ sive altaris (nam subdubitanter scribunt) effracti & disjecti integra basis manet, quæ hanc ἐπιγραφήν exhibet.

ΥΠΟ ΙΑΡΙΒΩΛΟΥ ΘΕΟΥ. In origine hujus vocabuli plane hæreo, an a ירה בועל, *Jara bol*, *Dominus ejaculator*, an a ירא בועל, *Jare bol*, *Dominus metuentus*. Cum vero neutra mihi rem accuratius perpendenti vix placeat, non invitus inducerer ad assentiendum D. Hallejo, qui admodum ingeniose censet illud derivandum a ירח בועל, *Jerach bol*, quasi idem esset ac *Deus Lunus*, si in Inscriptione Græca Heliodori Palmyreni non ΑΓΑΙΒΩΛΩ sed ΑΤΑΙΒΩΛΩ, quod etiam ab Exscriptore detortum vult ex ΙΑΡΙΒΩΛΩ, legi debuisset. Ille vero acrius contendit de suæ conjecturæ veritate, quod figura lunæ corniculatæ inter humeros pari intervallo versus caput alterutrinque surgentis in altera imaginum illic positarum conspiciatur. Concessa hac ingenii lascivia quid non exsculperelicit? Non aliter autem legerunt, quotquot jam per centum annos insigne illud monumentum curiosis exploraverint oculis: nec quicquam adhuc de variante lectione solertissimi Romanarum Antiquitatum indagatores memorarunt. Quis vero fuerit iste Jaribolus, plane hætenus incertum & inexploratum est: an peculiare Syrorum numen ab indigenis cultum, sive Deus ἐνλόπιος, quales erant *Aglibolus* & *Malachbelus*, an cognomen cujuspiam Imperatoris de Palmyrenis merentissimi, inque Divorum censum post mortem relati, quem hoc titulo honorarunt: eodem modo, quo Antoninus Bassiani ex Scæmiade, Juliæ Mammææ sorore, filius, E-



*lagabali*, Syri numinis, *qui ubique fere* (verba sunt magni (p) Seldeni in laudatissimo de DIS Syris opusculo) *idem cum Sole agnoscitur*, nomen assumpsit. Si vero quispiam Seldeno ex metathesi literarum, & scriptionis & pronuntiationis in propriis nominibus ex una lingua in aliam, præsertim ab omni affinitate alienam, traducendis variatione, quod postulat, \* *Alagabalum* pro *Agalibalo*, cujus etymon eruit, quasi *על בעל Agol baal*, seu *Zeὺς ἐπικυκλίδιος*, *Deus circularis aut volubilis*, positum fuisse concessurus sit, Lectorem eruditum constituo arbitrum, an non *Agalibolus* ex similitudine soni, quem vox sive Græce sive Latine prolata exprimit, non sit prorsus idem, vel saltem parum diversus ab *Aglibolus*. Sed per me *Ela-gabali* nomen absque ulla mutatione maneat integrum: cujus veram etymologiam, utpote loco alieno, hic non venabor. Sed ad Jaribolum redeo.

Idem idem occurrit in Inscriptione XI. Hoc tamen quod neutiquam celabo, videtur obstare, quo minus de aliquo Imperatore a superstitionis adulatoribus inter Divos recensito intelligi possit, quod longum istud annorum in utrisque marmoribus signatorum interval- lum non permittat, ab eodem, dum in vivis esset, Bolanum hujus fontis Curatorem constitui, & Julium Aurelium Zenobium testimonio commendari simul potuisse. Veruntamen cum Bolanus sit alterius Zeno- bii, ejusdem fortassis cum Julio Aurelio stirpis, filius, pene crederem, errorem in notis numeralibus admis- sum fuisse, & ΔΟΦ pro ΔΟΥ esse substituendum. Sed esto Deus topicus Jaribolus, non repugnabo: attamen constat ex Inscriptione IV. idem nomen viris longe in-  
fra

(p) Syntagm. II. cap. I. pag. 220. edit. Lugd. Bat. 1629.

\* Pag. 223.



fra dignitatem purpuræ constitutis, interdum attributum fuisse : nisi quis dixerit , *ΙΑΡΙΒΩΛΟC* & *ΙΑΡΙΒΩΛΕΥC* omnino inter se differre. In ejusmodi salebris nemo pedem adeo firmiter figere potest , quin sæpe impingat.

*Ad Nonum.*

*ΜΑΡΘΕΙΝ. ΜΑΡΘΗΝ.* Martha, nomen fœminis Judæis & Syris commune : a *مرث*, *maratha*, nimirum a lenitate & mansuetudine, qualis fœmina, erga maritum præcipue, esse debet, vel potius a Syriaco *martha*, domina. Inde B. Virgo Maria ab Arabibus quandoque nuncupatur *مارت مريم*, *marat Mirjam*, domina Maria.

*ΚΑΠΑΔΗΤΟΥ.* *Καπαδῆτης* vel a *خافض*, *chaphid*, a deprimendis superbis, vel a *خفص*, *chapda*, a vita commode & leniter acta, vel a *قفر*, *kapada*, peregit & consummavit opus.

*СОРАΙХОC.* An a *شرق*, *sharaka*, quasi vir orientalis : vel potius a *ضراى*, *dforak*, animo acer, ira vehemens : unde leo hinc quoque dictus. Nomen proculdubio in vulgari usu apud Syros. Inde (q) Jamblichus Chalcide, Cæle-Syriæ urbe, natus, in libello suo *δραματικῷ*, sive de amoribus Rhodanis & Sinonidis, non modicam istius fabulæ amatorix partem Soræcho Soræchi filio attribuit.

*Ad Decimum.*

*ΤΕΛΕΟΔΟΤΗΝ.* In MS... *ΕΟΔΟΤΗΝ.* Si per apices

D 4

litera-

(q) Apud Phot. in Myrio biblo Cod. xciv.

literarum liceret, vellem legere *ΚΙΤΟΔΟΤΗΝ*, *frumenti provisorum sive largitorum*. Quæ vox apud Græcos Scriptores frequenter occurrit. Nemo, qui Palmyræ & regionis illius solitudines longe lateque jacentes, sterilibusque arenis coopertas in mentem revocat, diffiteri poterit, munus illud comportandi annonam reliquumque com meatum e locis fertilioribus, ne cives, vel potius novæ coloniæ advenæ, ex urbe transmissi, fame premerentur, maxime fuisse necessarium, & dignitatis quoque maximæ.

ΤΗC ΜΗΤ.....ΝΕΙΑC. *Μητροκολωνείας*. Ita enim lacunam rectissime supplendam esse vox eadem mox plene repetita certissime indicat. *Μητροκολωνεία* autem ab ista urbe, ut mihi quidem videtur, distingui debet: utpote locus vel in campis prope desertum, vel cis Euphratem, excipiendis peregrinantibus destinatus, ut mercatores ex Perside, Mesopotamia, & Arabia in Syriam Palæstinamque transeuntes, aut e contra, Palmyram, ad quam aliter vix facilis per inhospita tessqua daretur accessus, commodius adirent. Videntur enim mercatores ejusmodi commoditatum defectu, relicta Palmyra, aliam viam securiorem & compendiosiore, in qua *ἐφόδια* melius pararentur & suppeditarentur, nuper petiisse: quod sequentia verba plane innuunt, Septimium Vorodem, de quo in sequentibus Inscriptionibus, *ἀνακομίζαντα τὰς συνουσίας ἐξ ἰδίων* i.e. intermissos illos mercatorum solennes conventus & congressus in urbe patria revocasse seu reduxisse, conditis diversoriis receptaculisque, frumento reliquoque ad vitam necessario apparatu instructissimis: qui ob hanc magnificentiam in opibus *οἰκοθεν* in ista principali colonia supplenda, cujus & Prætor & Ædilis erat constitutus in usum extraneorum, (qui tamen cives Palmyrenos suis

suis mercibus & ornaturi & ditaturi essent) impenden-  
dis insigne a Præfectis Societatis mercatorum elogium  
adeptus est, & apud Senatum populumque Palmyre-  
num hac quoque de causa maxima floruit gratia, ut-  
pote de illis universis optime meritis. Jam enim a  
longo tempore i. e. ante tria secula & ultra, Palmyra  
divite commercio floruerat, & inter celeberrima O-  
rientis emporia habebatur, ob commodum in utriusque  
imperii tum Parthorum tum Romanorum confiniis si-  
tum. Inde ista opum amplitudo accreverat: inde per-  
petuus iste mercatorum confluxus. Εμποροι γὰρ ὄντες,  
ut ait (r) Appianus Alexandrinus, κομίζεσσι μὲν ἐκ  
Περσῶν τὰ Ἰνδικὰ καὶ Ἀραβικὰ. διαλίσθενται δὲ ἐν γῇ Ῥωμαίων.  
Qua de causa Marcus Antonius, (s) levi tamen præ-  
textu arrepto, quod essent ambiguæ fidei, nec iis aut  
in Romanorum aut Parthorum partes captata occasio-  
ne, pro commodo suo transituris, bene fidendum esse,  
ad diripiendam urbem opulentissimam equitum turmas  
misit: sed hujus rapacem opum merciumque cupidi-  
tatem, iis ad ultiores Euphratis ripas extra pericu-  
lum rapinæ abductis, Palmyreni felicissime evasere.

Idem succedentibus seculis viguit commercium Pal-  
myræ, in quam, tanquam apothecam, mercatores  
peregrini merces ex India & Perside petitas intulerunt,  
inde alio vehendas. Ita enim de suis temporibus vi-  
detur intelligendus (t) Plinius. *Huc* (i. e. in Petra,  
civitate Nabatæorum) *convenit utrumque bivium, eorum,*  
*qui Syria Palmyram petiere, & eorum, qui ab Gaza ve-*  
*nerunt.*

Στρατηγοὶ & Στρατηγῶνες & hic & alibi, & in num-  
D 5 mis

(r) De bellis civilibus lib. v.

(s) Ῥωμαίων καὶ Παρθυαίων ὄντες ἔφοροι, εἰς ἑκατέρωθεν ἀποδείξουσιν  
εἶχον. ibid.

(t) Nat. Hist. lib. vi. cap. 28.

mis post Antoninorum tempora frequentissime, iidem ac Prætores, summive urbis & coloniarum magistratus, five Præsides, utpote militiæ Rectores. Vide Harduinum de hoc titulo pro more erudite differentem in præclaro de nummis antiquis populorum & urbium Syntagmate pag. 21, 22.

De munere & dignitate Sympofiarchi five sacrorum conviviorum arbitri vide quæ ex Polluce, Plutarcho, & Athenæo operose collegit Stuckius in Antiquitatum Convivialium libro II. cap. 7. & quæ habet de epulis sacrificialibus lib. I. cap. 33. ubi & multa occurrunt de pulvinaribus & lectisterniis Deorum.

*Ad undecimum.*

ZHNOBION. Vide ad Inscript. VIIII.

ZABΔΙΑΝ. זבד אלה Ebraice: Arabice verò زبد الله, *zabdalla, donum Dei.*

ΔΙΚΜΑΧΟΥ. دایمی ملک, *dais malki, assecla five minister Regis, qui iussa ejus obit.*

NACCOΥΜΟΥ. Anab Ebraico נזם, *nezem, monile,* an ob indolis bonitatem morumque suavitatem, *נسيم, nasama, leniter & grato modo spiravit ventus, aura, odor?*

Militares copias duxit Julius Aurelius Zenobius, quo tempore Alexander Severus, qui, ortu quidem Syrus, utpote in urbe Arcena natus, Elagabali imperatoris consobrinus, quasi Syrum dici pudeisset, ut ait Lampridius in ejus vita, tamen *videri originem de Romanorum gente trahere volebat*, expeditionem in Persidem contra Artaxerxem, regem potentissimum, quem

quem postea debellavit , animose suscepit : tum juvenis , ut ex acclamatione Senatus post actum triumphum , cum primum apud Patres conscriptos , Romam reversus , verba habuerit , apud eundem Biographum patet : *vere Parthicus , vere Persicus . Trophæa tua & nos videmus , victorias & nos videmus . Juveni Imperatori , Patri patriæ , Pontifici maximo* -- Bellum vero hoc Persicum anno octavo hujus Imperatoris , h. e. A. Ch. CC. XXIX. inchoatum ostendit accuratissimus horum temporum supputator , Antonius Pagijs in Critica ad Annales Baronii : quam optimo cum fructu tum voluptate consulat curiosus Lector . Neque enim harum Annotationum ratio patitur , ut in minutiis Chronologicis examinandis immerer.

Rutilius Crispinus , (cui se in assiduum comitem dederat Zenobius noster , illius lateri continenter adstans , & vexillationibus sive copiis auxiliaribus , præsertim suorum civium , hoc in bello Romanorum partes sequentium , quæ præsto erant , vel commeatum supeditando , vel per compendiosiores facilioresque vias ducendo , ὑπὸ πρῆλιν(ας) erat tunc temporis totius exercitus sub Alexandro Præfectus . Illum vero confundi non debere cum Crispino , qui una cum Juliano , tertio anni Severi h. e. A. Ch. CC. XXIV. juxta (u) fastos ex codice Saviliano , & ex apographo Vossiano , Regum apud Theonem canoni subjuncto , ab eruditissimo Viro D. Dodwello editos , fastosque alios , longe accuratiores & antiquiores , e codice MS. bibliothecæ Cæsareæ depromptos , & a V. Cl. Novisio illustratos , consulatum iniit , hinc manifestum fiet , quod diverso prænomine insigniatur . Crispinus enim

Con-

(u) In appendice ad dissertationes Cyprianicas. pag. 100. 116.



Consul non Rutilius, sed Clodius erat appellatus: ut videre est, tum apud (x) Pagium in Cæsareorum consulatuum ab Augusto ad Marcum Aurelium ratio- nario, quod summa cum accuratione ac diligentia con- gessit, tum apud celeberrimum Chronologum H. No- visium in epistola Consulari.

ΚΑΙ ΟΙΚΕΙΩΝ ΑΦΕΙΔΗCΑΝΤΑ. In MS. ΚΑΙ ΟΥΚΟΝΙΚΩΝ ΑΦΕΙΔΗCΑΝΤΑ. Locus sane fœde cor- ruptus. De vera lectione non convenit. Alii emen- dant, ἐν οἰκείων - Sed particula negativa vix cum si- gnificatione τῇ ἀφειδήCαντα convenire potest. Potius ergo simpliciter οἰκείων legendum erat. Quid autem obstat, quo minus legam ΟΥΚΑΝΙΚΩΝ, vel ΑΝΙΚΩC, hoc sensu, *cum æquabilitate*: h. e. *absque partialitate & affectu privato, non parcentem suis opibus, sed eas largientem militibus promiscue & indifferenter*. Sed in hac re plane hæreo. Fortasse legi oportuit ΕΥΚΟCΜΩC, vel ΟΙΚΟΘΕΝ, ut in præcedente Inscriptione, οἰκοθεν ἀναλώCαντα. Ita in sylva dumetis obsita devii erramus, callem sine duce frustra quærentes.

ΜΑΡΤΥΡΗΘΕΝΤΑ ΥΠΟ ΘΕΟΥ ΙΑΡΙΒΩΛΟΥ. Vide quæ supra annotavimus: quibus pauca hæc ad- dere visum est. Si pro Deo locali tutelarique Palmy- renorum habendus sit Jaribolus, Zenobium laudis & approbationis, ob præclara ejus tum erga Romanos tum erga Patriam merita, testimonium, vel voce ex templi adytis, ubi colebatur, edita, vel qualicunque indi- cio ab eodem numine adeptum fuisse non male suspica- bimur. An vero Palmyra, urbesve & regiones vicinæ hujus ficti numinis oraculo inclaruerint, hætenus non liquet. Sane ejusmodi responsis olim superstitiosis cul- toribus misere delusum erat, dæmonum, permittente Deo

(x) Dissert. Hypot. cap. xi.

Deo Opt. Max. versutia, & technis fraudibusque gentilium sacerdotum, inde sibi lucrum, honorem, & reverentiam veteratorie captantium: quales erant Hierophantæ illorumque ministri, *Κήρυκες* & *Θεολόγοι*, qui, ut præclare observat (γ) Reinesius ad marmor Arundellianum num. IV. Deorum responsa scilicet tantibus exhibuerunt.

ΙΟΥΑΙΟC. Supple, Philippus. Observarunt nostri, nomen illud, quod sequebatur, in Inscriptione tum Græca tum Syriaca, quæ inde prioris, (quod de cæteris quoque pariter dicendum est) quantum linguæ genius patitur, rigida videtur esse versio, ex industria plane erasum fuisse: forte ex odio contra illum concepto propter cædem Gordiani in expeditione Parthica factam, ad delendam istius scelesti hominis memoriam. Annus æræ Seleucidarum ΙΟΛΙV. quo hoc monumentum erigebatur, respondet anno æræ Christianæ partim CCXLII. partim CCXLIII. quo, Ariano & Papo Consulibus, mortuo Misitheo, (cujus filiam duxerat, idem Gordianus, istius nominis tertius) in ejus locum dicit Julius Capitolinus Philippum Arabem factum fuisse præfectum Prætorio: quod confirmat marmor hoc Palmyrenum. Pusillam vero istam mutilationem mox post ipsius obitum marmori illatam fuisse verisimile videtur, pro more nimirum, quo plebs efferata in tyrannorum, quorum memoria, præsertim ob paricidium, execranda, statuas, simulachra, & insignia, deletisque quoque ex foro, portis, ædificiis, monumentisque publicis illorum nominibus, grassari solet.

*Ad duodecimum.*

ΤΑΦΕΩΝΟC. Vox plane nova, nec apud Lexicographos

(γ) Syntagm. antiquar. Inscript. pag. 289.

phos reperienda ; quæ tamen ex Grammatica analogia admitti potest. Ταφῶν igitur nihil aliud est , quam locus sepulchris plenus , & pari modo formatur , ac κοιλῶν , δειδρωῶν , ἀμπελιῶν , & ejusmodi plura.

Jus vero peculiare sibi & familiæ ad honorem sepulturæ in istis conditoriis , cæteris tanquam ab alieno solo exclusis , hoc monumento suis pecuniis erecto asseruit Septimius Odænathus.

Inter admiranda Palmyræ merito recenseri debet Mausoleorum , ut ea hic in tui , curiose Lector , qui linguæ Anglicanæ plane inassuetus es , gratiam ex nostratium Itinerario compendiaria quadam descriptione repræsentem , series duplex , ad mille passus exporrecta : Mausoleorum , inquam , sic enim nuncupanda fateberis , sibi invicem in adversis viæ interpositæ lateribus respondentium. Ædiculas dixeris , five ut nostri appellant , turriculas , in quadrum extensas , inque quatuor vel quinque cameras partitas , quæ pulcherrimum intuentibus spectaculum præbent : omnes figuræ quidem pares , sed magnificentia & ornatu longe dispares , pro varia nimirum virorum , quorum corpora subtus recondita jacent , aut dignitate aut opulentia. Ex his quædam puro marmore integræ constabant , ut ex ruderibus liquet : quæ vero quoad exteriores partes e saxo vulgari dedolato construuntur , parietes intergerinos , pariter ac pavementum , marmore obtectos intus habent. Statuas aut integras aut umbilico tenus protensas , quas Græci προτεμαῖς appellant , olim prominuisse , tum ex cavitatibus , tum ex iisdem mutilis humi prope jacentibus , erat exploratissimum. Ubivis quoque cælaturæ artificii manu elaboratæ prostabant , & imaginum picturæ , omni debita proportionem servata , ad vivum delineatæ. Ita videntur Primores Magnatesque Palmyreni in hisce  
con-

conditoriis exstruendis contendisse, ut alter alteri sumptibus & magnificentia anteirent, quasi extra belli, terræmotus, aut temporis casum fuissent posita, & in omne ævum *εις τὸ παντελὲς αἰώνιον τιμῆν*, sive *in honorem* tum sui tum familiæ *absolute & omnino semipiternum*, ut hic sibi blanditus est Odænathus, mansura. Ex ædiculis unam penitissime explorare placuit: a cujus ostio, quod Austro objacet, recta excurrit porticus ad extremitatem usque tecti. Strato aliquantulum effracto ac inde abrepto, inferiorem cryptam inspicere & contemplari licuit; æquali prorsus modo partitam, intervallis alterutrinque pariter continentibus sex loculos, parietibus medioxumæ crassitudinis distinctos, quorum singuli in ima parte recipiendo corpori humano vel maximæ molis sufficiunt: in tota vero cavitate sex aut septem cadaverum simul congestorum, sibi que invicem, prout moris apud ipsos antike fuisse videtur, cumulatorum capaces. In tribus autem contignationibus ab ostio surgentibus, cameræ eodem prorsus modo partitæ, unius ejusdemque figuræ erant: nisi quod a secundo strato loculi unius spatium gradibus, quibus ad superiora fit ascensus, assignatur. At cum versus fastigium ædes quasi in angustum sint contractiores, non eadem loculorum ratio servari potuit: duabus quippe supernis contignationibus non æqualem partitionum numerum admittentibus: in quibus si quædam corpora reponerentur, id honoris Fundatori datum fuisse conjectando volunt nostri, ut nimirum cæteris altiori loco, dignitatis & prærogativæ gratia, superponeretur.

In qua vero hujus augusti & elegantissimi ambulatorii parte olim collocatum fuerit Odænathi conditorium, proculdubio illustre, magnificum, & digni-

tati



tati Senatoriæ, qua tunc inclaruit, congruum, animo concipere vix licet: nam lapis iste, qui olim portæ Ἀφειῶνος imminebat, hanc epigraphen continens, inde ad alienum locum transfertur, utpote in ostiolo, quo in aream intra amplum istum ambitum, quem olim occupaverat templum Beli, itur, hodie superimpositus.

ΟΔΑΙΝΑΘΟΝ. Odænathus a suavitate & candore morum nuncupatus: خردانة, *chodanat*, qui hominibus est amicus. Nomen, ut videtur, apud Syros commune. Erat quidam ejusdem nominis, discipulus Plutarchi, quem δὸν Σουλίας fuisse exertim dicit Suidas. Zosimo Οδάναθος, Zonaræ, & Georgio Synkello Οδέναθος, Agathiæ Scholastico Οδέναθος, (z) Petro, Patricio & Magistro, patria Thessalonicensi, qui floruit sub Justiniano, Οδένατος, pro quo male ibi excuditur ὁ Δένατος, quasi ὁ esset articulus, scriptoribus Latinis promiscue Odenathus & Odenatus: uti sculptum quoque reperi in nummo antiquo apud nobilissimum Virum, D. Joannem Cottonum Baronettum, ΟΔΕΝΑΤΟΥ. Joanni Malelæ Antiocheno, Scriptori futilissimo, diminutis abscessisque duabus prioribus literis, Ἐναθος.

Maxime errare mihi videntur, qui *Enatum* cum *Ignatio*, quod erat Imperatoris Gallieni cognomen, male intellecto, & ad partes frustra advocato (a) Patino, confundentes, nomen illud ab *Odenato* derivari volunt. Non ita dignitatem suam prostituerent soliti erant Imperatores Romani, ac si adscititium titulum ab extraneo, utut bellatore strenuo, & de illis

(z) In excerptis delegationibus ex historia illius, inter Scriptores historiæ Byzantinæ. tom. i. pag. 29.

(a) Imperatorum Romanorum numism. pag. 414.



illis bene merente, suis gentilitiis nominibus, quasi novus familiæ splendor inde accrevisset, abripere vel-  
lent. Certissimum est, Gallienum appellari *Ignatium*,  
tum ex nummo a Prusæ ad Hypium fluvium sitæ ci-  
vibus in illius honorem percusso, cujus ectypum cum  
inscriptione exhibet Patinus: ΠΟΥ. ΔΙΚ. ΙΓΝΑ. ΓΑΛ-  
ΛΙΗΝΟC. tum ex lapide apud Fulvium Ursinum, &  
ex altero Patavii existente, in quo Gallieni nomen o-  
mittitur, quos erudite pro more explicat (b) Rei-  
nesius. *Egnatius* interdum scribitur, & communius  
quidem, quod plane idem est. Nomen autem Eгна-  
tii ante multa secula inclaruit. Marci Egnatii, qui erat  
Ædilis plebis, & postea Prætor, meminere Suetonius  
in Octaviano cap. xix. & Dio lib. LIII. Plures ejus-  
dem cognominis memorantur a Cicerone, Seneca,  
Tacito, aliisque. Nomen certe Latinæ originis, quod  
cum Romanis legionibus, ut verisimile videtur, lon-  
ge ante Trajani tempora in Orientem transibat, & in-  
de quoque a Syris arreptum. Hinc nomen suum ad-  
eptus est sanctissimus Martyr, Ignatius episcopus An-  
tiochenus.

Quod vero ad τὸ ΕΝΑΤΟΥ in postica aliis apud  
eundem Patinum nummi parte expressum spe-  
ctat, illi per omnia similem geminumque, optime  
conservatum, adhucque pristini nitoris retinentissi-  
mum, inter alios Gallieni, mihi communicavit Vir  
illustrissimus, & omni elogio, quod præclarissimæ  
mentis excelsæ dotes, antiqua & inconcussa fides, po-  
litiore literaturæ amor, eximiaque erga literarum stu-  
diosos benignitas merentur, cumulus, Henricus  
Comes Petriburgensis:

ΑΥΤ. Κ. Π. ΔΙΚ. ΓΑΛΛΙΗΝΟC. CEE.

E in

(b) pag. 317.

in averſa vero parte aquila , corollam in ore gerens , cum ramuſculo ſuper alam ſiniſtram , ENATOR L. Cum vero nullus character , quo numerus ſignari ſolet , τῷ L. i. e. λυκάβατος respondeat, illud ENATOR eſſe numerale adjectivum , & annum nonum , quocudebatur iſte nummus , denotare ſatis conſtat , proindeque nec quicquam cum Ignatio , multo minus cum Odenato commune habere pro certo ſtatuendum eſt. Accedit, quod ſi proprium fuiſſet nomen , ab altera parte Gallieni nomini , ut in lapide & altero nummo ſit, & caſu quidem recto, illud præponi debuiffet.

Generis nobilitatem patris & avi nomina , hic , uti & in aliis Inſcriptionibus , pro more apud Palmyrenos Magnates , tum amoris erga defunctos tum honoris gratia , uſitatiffimo , paſſim videre eſt , poſita oſtendunt. Potuit fortaſſe multo longiorem antiquioremque Progenitorum ſeriem recensuiſſe : quam hac de cauſa dicit Zoſimus ἐκ προγόνων τῆς πατρὸς τῆς βασιλείων ἀξιωθέντα τιμῆς. Non tam majorum meritis , quam ſapientia & virtute propria ad præcipuas dignitates & præfecturas poſtea evectus , a Pollione *Palmyrenorum Princeps*, alibi quoque *Rex* nuncupatur. Quo tempore hoc monumentum poſuit , erat tantum ΚΥΝΚΗΤΙΚΟΣ, inter Viros Conſulares, quales erant multi , paris dignitatis, qui rempublicam iſtam regebant , recensitus : qua de cauſa a Sexto Ruſo, quem S. Hieronymus in ſua verſione Chronici Eusebii ſequitur , tantum appellatur *Decurio* : i. e. Βαλευῖης Palmyrenus. At ſane Agathias maxime lib. iv. erravit , hac Inſcriptione & melioris notæ Scriptoribus corrigendus , qui illum ἀνδρα ἀφανῆ τὰ πρῶτα καὶ ἀγνώστον vocat. Cum vero res Romanorum , quæ tunc temporis in Oriente peſſum ibant

ibant , & erant deploratissimæ , Persis profligatis , restituisset , Augustus a Gallieno , ignavo quidem , & ventri dedito , *inque omnem lasciviam dissoluto* , renunciatus est , *participato cum ipso Orientis imperio*. Quæ vero de Odænathi fortitudine , prudentia , præliis , victoriis , summa per universum fere Orientem , qua pollebat , rerum administratione , deque illa miseranda cæde a Mæonio consobrino perpetrata , item de fortissima ac speciosissima scæmina , Zenobia conjuge , filiisque , apud Pollionem , Vopiscum , Zosimum , aliosque Scriptores fuscæ , singillatim , & distincte juxta temporis seriem habentur , cum ea omnia cuivis hisce literis vel leviter tincto satis obvia sint , ut hic ad nauseam Lectoris repetantur , nec decet nec convenit.

ΑΙΡΑΝΟΥ ΟΥΑΒΑΛΛΑΘΟΥ. Ita in MS. nullo articulo interveniente. Hæc enim duo nomina ad patrem Odænathi pertinere mihi quidem videntur : eo quod quemlibet superiorem gradum in recta stemmatis genealogici linea , interposito articulo præpositivo ΤΟΥ , accurate distingui cæteræ Inscriptiones doceant.

ΤΟΥ ΝΑΚΩΡΟΥ. Ναζωρος a نَاصِر , *nasara* , *juvit ; defendit* : inde نَاصِر , *nasir* , *adjutor , defensor*. Nomen apud Arabes fatis commune : & نَاصِر , *nosur* , & نَاصِر , *nosar* , ejusdem significatus. Sæpissime ingreditur compositionem priorum nominum , quibus adjungi solet tam in fine quam in principio : ut *Nabonasarus* , rex Babyloniorum ; *Nabuchodonosorus* , qui Hierosolyma expugnavit ; *Nasireddin* , *adjutor justitiæ* , *Abunasir* , *pater adjutor* , *Nasiroddanla* , *adjutor victoriæ* , *Almalech alnasir* , *rex adju-*

tor, & plura ejusmodi, quæ, tanquam elogia aliis distinctivis nominibus præposita, in Abulpharagio, Elmakino, cæterisque historiæ Saracenicæ Scriptoribus ubivis occurrunt.

EIC TO ΠΑΝΤΕΛΕC ΑΙΩΝΙΟΝ ΤΙΜΗΝ. In Inscriptione prima ΜΝΗΜΕΙΟΝ ΑΙΩΝΙΟΝ ΤΕΡΑC. Ita ex sepulchralium monumentorum & statuarum magnificentia æternitatem famæ sibi sponponderunt. Antiochiæ in luco Daphnes statuæ inscriptum, ΑΡΤΑΒΑΝΩΙ Η ΜΝΗΜΗ ΑΙΩΝΙΑ: apud Reinesium pag. 819. ut cætera similia, quæ apud eundem & Gruterum reperienda sunt non exscribam. Hinc Christiani posterioribus seculis formulam suam, *Æterna memoria*, mutuati sunt.

Dolendum est omnino characteres Syriacos, (qui hic, uti & in omnibus fere marmoribus Palmyrenis, quæ lustrantium oculis sese ubivis objecere, subtus insculpuntur) non esse accuratius descriptos, quorum subsidio tum veterum Syrorum scriptura, quæ per tot secula latuit in lucem & usum revocari, tum Græcæ Inscriptiones melius intelligi possent. Nam verisimile videtur, unam eandemque rem utraque lingua significari, ut tum concives tum adventores e Græcia & Asia minori, quisque nimirum in sua lingua, propriis characteribus, quibus assueverint, signata, de laudibus defunctorum sine ope interpretis facilius & quasi primo intuitu informarentur.

*Ad tertium decimum.*

ΖΕΒΕΙΔΑΝ. *Zebeides* commune Syrorum & Judæorum nomen, idemque cum *Zebedæo*, passim in sacris Evangeliiis memorato. Contracte Zabdas: ita nuncupatus præfectus exercitus, quem ad subigendam Ægyptum misit Zenobia: Ζάβδας ὁ Ζενοβίας στρατηγὸς Ζο-

Zosimo ; male Pollioni Sabas , & Vopisco Zabas. Zabdas Hierosolymorum vicesimus septimus episcopus apud Eusebium in Chronicorum libro posteriore.

Imperfecta , quæ sequuntur , Syriaca sunt , & fortasse agnomina Zebeidæ.

Cuivis notissimum est , Vologesiadem esse urbem ad Euphratem infra Babylonem sitam , quam tempore Neronis condidit Vologesus , rex Parthorum. Stephanus *ἐν πόλεων : Βολογείας , πόλις πρὸς Ευφράτην , ἐκ Βολογηθῦ βασιλείας ὠκισμένη.* Urbs hæc Ammiano Marcellino lib. xxiii. Vologessia , ( c ) Plinio rectissime , Volegesocerta i.e. Vologesi civitas. Ita enim *Kerta* significat Syriace. Inter hanc urbem & Palmyram renovatum erat commercium , quod nuperum sub Gordiano bellum interruperat : ( *ἐν πόρειαν* certe in editis exemplaribus male ponitur pro *ἐμπροσθίαν* ) operam utilissimam hac ex parte impendente Julio Aurelio Zebeida , cujus beneficii gratam memoriam recolentes , socii itineris , monumentum hoc honoris gratia illi dedicarunt.

*Ad quartum decimum.*

СЕПТИМΙОН ΑΙΡΑΝΗΝ. Hoc basi columnæ inscriptum. Septimius Æranes , vir senatoriæ dignitatis , filius Odænathi , dum adhuc privatus erat pater , licet splendidis natalibus , ut ex superioribus liquet , ortus , nec adhucdum purpura indutus , quando nimirum monumentum hoc in honorem Æranis erigetur : aliter non nudo nomine appellandus. De hoc Ærane penitus silent historiæ.

Cætera quæ sequuntur , in scapo ejusdem columnæ exstant.

E 3

ΕΞΑ...

( c ) Nat. Hist. lib. vi. cap. 26. *Nuper Vologesus rex aliud oppidum Volegesocertam in vicino condidit.*



ΕΞΑ... ΝΤΩΝ ΑΥΡΗΑΙ... Ρ. ΗΛΙΟΔΩΡ. ΣΤΡΑΤΙΩ-  
 ΤΗΣ ΛΕ.... ΚΗΣ ΤΩΝ ΠΑΤΡΩΝ. Ita in exemplari  
 manuscripto. Aurelius Heliodorus miles ordinarius le-  
 gionis ΚΥΤΘΙΚΗΣ *Scythica*: (sic enim lacuna impleri  
 potest) Scythica enim quarta legio castra stativa in  
 Syria habuit; uti testatur Dio lib. LV. \* cui Seve-  
 rum postea Imperatorem olim præfuisse dicit Spar-  
 tianus: vel ΠΑΡΘΙΚΗΣ *Parthica*: Parthicas enim pri-  
 mam & tertiam eundem Severum quoque in Mesopo-  
 tamia, vicina Syriæ, & a qua interfluo Euphrate di-  
 rimitur, instituisse asserit idem nobilissimus Historicus:  
 quibus postea † quarta addebatur. Facilis inde ad  
 Syriam, prout res tulerint, transitus: facilis etiam  
 castrorum mutatio. Cum vero constet \*\* ex Notitia  
 dignitatum imperii Romani, non solum Equites Scu-  
 rarios, aliosque Illyricianos in Palæstina, Arabia, Sy-  
 ria, Euphratenfi, Osrhoena, & Mesopotamia collo-  
 catos fuisse, sed etiam peculiariter \*\*\* *præfecturas le-  
 gionis primæ Illyricorum* Palmyræ mansisse, libentius  
 admitterem ΙΑΛΥΡΙΚΗΣ legi oportere, ni obstaret,  
 quod in speciali legionum, quas suo tempore restare  
 testatur, recensione, *Illyrica* sive Illyricianæ non me-  
 minit Dio. Floruit ille circa A. C. CC. XXVIII.  
 Hæc ergo legio inter Dionis & Notitiæ illius Colle-  
 ctoris, quem certum est longe post Constantinum  
 Magnum vixisse, tempora videtur in Syriam introdu-  
 cta: an vero tam paucis, viginti circiter aut triginta,  
 post Dionem annis, (monumentum enim hoc tem-  
 pore non multo inferius est, utpote A. C. CC. LI.  
 erectum) id plane est incertissimum & merito dubitari  
 po-

\* V. quoque Notitiam dignitatum Romani imperii sect. XXIV.

† V. Sect. XXV.

\*\* Sect. XXII. XXIII. XXIV. XXV. XXVI.

\*\*\* Sect. XXIII. Sub dispositione Ducis Phœnices.

potest. Ad hæc accedit, quod in ista ingenti marmorum hodie exstantium, quæ legionum cæterarum nomina ostentant, mole legio *Illyrica* cognomento aut titulo, quantum scio, (neque enim hoc præfidenter statuere ausim) prænotata non occurrat.

Beneficiorum memor & gratitudinis sensu tactus, noster miles Patronum suum, ΤΟΝ ΠΑΤΡΩΝΑ, (ita enim legendum est) hoc honorario monumento, quod ΕΞ ΑΡΚΟΥΝΤΩΝ, (modo cum venia vacuum spatium hoc modo implendum sit; τὰ autem ἀρκούντα quæ sufficiunt) hoc est, ex suis moderatis opibus, quas labore, continentia, & frugalitate, satis pro mediocri ipsius fortuna, collegerat, colit & veneratur.

Male, ut puto, confunditur miles noster cum Lucio Aurelio Heliodoro Palmyreno, cujus mentio in epigraphe tabulæ marmoreæ apud Romam in hortis quondam Carpensibus, quam edidit Josephus Scaliger in libro v. de emendatione temporum, Gruterus in magno & immortalis suo opere Inscript. LXXXVI. 8. & non ita pridem Sponius tum in curiosis Inquisitionibus Gallice scriptis, tum in Miscellaneis eruditæ antiquitatis cum elegantibus figuris reliquoque ornatu: non solum quod diverso prænomine insigniantur, nec illud, quo conveniunt, eodem ordine collocetur, hic nimirum Lucius Aurelius dictus, ille Aurelius . . . . P. h. e. vel ΕΡ. ΟΥΑΑΗΡ. ΤΙΒΕΡ. ΚΟΡ. ΜΑΡ. *Herenius, Valerius, Tiberius, Cornelius, Marcus*, aut ejusmodi: sed quod ille etiam miles gregarius esse videatur, ΣΤΡΑΤΙΩΤΗΣ, gente Romanus, stipendio ordinario in legione sive Scythicâ sive Parthica merens, nullaque ornatus dignitate: hic vero civis Palmyrenus, nobili prosapia, ut videtur ex patris Antiochi nomine adjecto, prognatus, nec militari fungens mu-

nere, cujus mentio fit in sequente Inſcriptione, aſſumpto Hadriani nomine ( \* neque enim hæc lectio mihi videtur ſolicitanda, licet Triſtanus, & ut ipſe ait, Henricus Valeſius reponere velint ΑΔΡΙΑΝΕΥC ) qui de ipſius urbe natali meritus eſt, & cui non modicam magnificentiæ partem debuit, utpote quem novum quaſi Fundatorem, κλίσην, agnoverunt colueruntque cives, inde, ut teſtatur † Stephanus Byzantinus, Αδριανοπολίται nuncupati: & præterea quod monumentum iſtud Romanum tam affabre & belle politum, patriorum numinum, quibus argenteam ſtatuam (σίγγον σὺν παντὶ κόσμῳ) omni debito apparatu decoratam dedicavit, imaginibus, interpoſita pino, in intercolumnio ſculptis, ab homine privatiæ fortis, quales erant milites legionarii, vix aut ne vix quidem exſtrui poſſit. Nec mihi quidem videtur veriſimile, militem noſtrum illum aliqua cognatione attigiffe, multo minus filium fuiſſe: licet anni æræ Seleucidarum in utriſque monumentis ſignati ambos ſimul florere potuiſſe facile admittant. Quippe Heliodori nomen apud Romanos iſtorum temporum ſatis commune erat, & a multis militibus aut proletariis longe diverſi generis, ex clientela præpotentis cujuſpiam viri, familiæ principis, ita nominati, aut alias ob cauſas aſſumptum.

*Ad quintum decimum.*

ΛΟΥΚΙΟΥ ΑΥΡΗΑΙΟΥ ΗΛΙΟΔΩΡΟΥ. Vide quæ ad antecedentem Inſcriptionem annotavimus.

*Ad*

\* Eruditiffimus Noviffius contendit Αδριανὸς eſſe nomen adjectivum, idemque eſſe ac civem Hadrianæ i. e. Palmyræ: licet concedat illud nomen Αδριανεύς rectius efformari oportuiſſe. De Epochis Syro-Macedonum diſſert. II. cap. III. ſect. 2.

† Stephanus in Πάλημυρα. Οἱ δὲ αὐτοὶ Αδριανοπολίται μείωνε-  
μαίοντο, ἐπικληθείσης τῆς πόλεως ὑπὸ τῷ Αυτοκράτορος.

*Ad sextum decimum.*

ΠΟΥΠΛΙΟΝ. In MS. . . ΥΠΙΛΙΟΝ. Opilius, vel potius Rupilius Vorodes, si non frater Septimii Vorodis, de quo proxime, saltem ejusdem stirpis & familiæ cognatus, & illi σύγχρονος. Quis Syrus iste *Belacabosarsa*, qui amicum suum hoc monumento honorat, deletis Palmyrenorum tabulariis & historiis, penitus ignoratur & latet. Nomina Deorum honoris causa Regum, Principum, Magnatumque nominibus præfigi solere notius est, quam ut probatione egeat. A Belo igitur celebratissimo Phœnicum derivatur, cum additamentis ex eadem lingua petendis: *قاجوس عرش*, *kabos arsha*, quasi *pulcher folio*, vel *pulcher gloria*, vel *pulcher præfectus & rector populi*.

*Ad nonum decimum.*

СЕПТИМИОН ЦΥΡΩΔΗΝ. Ex quo Oriens victribus Romanorum armis cesserat, Syros suis nominibus propriis, quibus inter concives & contribules dignoscerentur, sive ad gratiam victorum aucupandam, sive ex affectatione & amore novitatis, illorum quoque prænomena præfigere solitos fuisse hæ Inscriptiones satis clare demonstrant. *Septimii* vero prænomen magni apud ipsos præcipuæque authoritatis Viri impendio & quasi certatim arripuere, quales hic Vorodes, ipse O-dænathus, illius uxor Zenobia, filiusque Airanes, & illorum exemplo omni proculdubio non infimi gradus quamplurimi alii: nimirum ob honorem & memoriam fortissimi Imperatoris, Septimii Severi, qui Syriam Armeniamque felicissime emensus, Parthis, Arabibus, Osrhoenis, Adiabenis, cæterisque illarum regionum populis superatis, perennia victoriarum & famæ mo-



numenta apud illos undiquaque reliquit: cujus nomen Palmyreni, benignitatis erga majores præstitæ, & beneficiorum, quibus de patria meritus fuerat, ex grato animo fortasse conscii, obsolescere noluerunt.

ΟΥΡΩΔΗΝ. *Orodes* nomen erat regis Parthorum, filii Phraatis, qui Crassum profligavit. V. Dionis Cassii historiæ Romanæ lib. xi. Vorodes autem a fulvo colore dictus, ab Arabico nimirum وروء, *voroad*. Non multum abludit Herodes, nomen apud Idumæos & Judæos satis notum: quo etiam Odenathi filius natus maximus ex priorē conjugē nuncupabatur. Sed hoc mihi videtur esse diversæ originis.

ΕΠΙΤΡΟΠΟΝ ΣΕΒΑΚΤΟΥ ΔΟΥΚΗΝΑΡΙΟΝ. *Επίτροπος* tributorum nomine Principis exactor, & ipsius in colligendis publicis pecuniis Procurator, &, ut sequioris ævi vocabulo utar, *Agens*. Ejusmodi Procuratores, juxta sapientissimi imperatoris Augusti institutum, in Provinciis Romanorum ditioni subiectis, una cum Præsidibus, quibus vitæ necisque potestas concredebatur, missi erant. Ex his Provinciis, quædam peculiari Cæsarum jurisdictioni, quædam, inde *populi Romani Provincia* dictæ, Senatus curæ & regimini suberant: in his liberti, in illis vero viri equestris dignitatis pecunias fiscales publicosque redditus exigebant: quod ex \* Dione constat. Ex hoc ordine erant Coponius, Pontius Pilatus, alique Procuratores Judææ, & uterque avus Cn. Julii Agricolæ, quod tanquam rem certam longoque usu stabilitam in ipsis foceri sui vitæ initiis statuere videtur Tacitus, ipse quoque Eques, & Belgicæ Galliæ Procurator. Hi *Procuratores Cæsarum* sive *Augustales* peculiariter appellati. Licet vero Procuratorum munus ad pecuniarum rationes, cæteraque, quæ

\* Lib. liii.



quæ ad ærarium spectabant, ex vi primæ institutionis pleraque ex parte restringeretur, tamen absentibus Præsidibus, & quandoque alias, literarum imperatoriarum auctoramento muniti, in cæteris rebus administrandis summam exercuere potestatem, utpote loco & vice Præsidium constituti, illorumque partibus fungentes. Quod de Coponio ex Josepho, deque Pontio Pilato ex sacris Evangeliiis certissime constat. Interdum unus idemque erat & *Præses* & *Procurator*: ut post Gutherium ostendit Vir maximus, & a me nunquam sine præfatione honoris & reverentiæ nominandus, D. Joannes Pearsonus, nuper Episcopus Cestriensis. Postea Procuratores nuncupati erant *Ducenarii*, isthoco titulo, licet inferioris curiæ & census iudicibus ab Augusto Cæsare constitutis, qui in causis plebis infimæ disceptandis de levioribus summis cognoscerent, olim competiisset \*, succedentibus seculis ad denotandam hanc eminentem dignitatem translato, quem a stipendio ducentorum sestertiorum, quod ex ærario percipere solebant, Procuratoribus inditum fuisse expresse statuit † Dio: cui si originem vocis inde ab ipso pecuniarum numero petendam esse concedamus, certo tamen liquet, vel illo fatente, stipendium illud pro dignitate Procuratorum aut Provinciarum, quarum redditus colligebant, sæpenumero variari. Sane munus erat magnæ auctoritatis, nec minus splendidum ac illustre. Non enim solebant Ducenarii palam prodire, nisi *δορυφορέμενοι*, sive satellitum caterva muniti & stipati: qualem pompam, fastuosam quidem, & quæ viro sacris ecclesiasticis ex voto & professione dedito neutiquam conveniebat,

Paulo

\* Sueton. in Octavio Cæsare Augusto. Sect. xxxii.

† Lib. liii.

Paulo Samosatensi, Antiochiæ episcopo, istam dignitatem a Zenobia religioni ritibusque Judæorum addicta, cujus auspiciis & patrocínio iniquissime superbiens, se suamque hæresin, Catholicis diu frustra oppugnantibus, tueri ausus est, consecuto, Antistites in ista urbe ad illius impium pestiferumque dogma, ne Orthodoxorum animis sensim irreperet, diro anathemate averruncandum congregati, merito exprobrarunt in epistola synodica apud \* Eusebium, quasi sacra episcopalis dignitas præ hac nova seculari, quam ambitione & typho exagitatus arripuerat, omnino sorduisset. Δειννάειος μάλλον ἢ ἐπίσκοπος θέλων καλεῖσθαι; ut cætera vanitatis & arrogantiae, qua tumebat, indicia & argumenta non exscribam.

Sed de *Procuratoribus Ducenariis* Lectorem curiosum, delicatique oris & stomachi, ne illi crambe centies cocta ad nauseam usque obtrudatur, remitto ad Scaligerum in Manilium †, Casaubonum & Salmasium ad Capitolinum in Pertinace, Rigaltium \*\* ad S. Cypriani epistolam LXVII. Gutharium de officiis domus Augustæ passim, Du-Fresnium in utroque Glossario mediæ & infimæ Græcitatæ & Latinitatis, & præcipue D. Pearsonum, qui hanc rem accuratissime tractavit in Adnotationibus ad articulum Symboli Apostolorum de crucifixione B. Salvatoris sub Pontio Pilato.

Septimium Vorodem summa Procuratoris, ut puto, Gallieni (neque enim a verosimile abludit, Romanos Imperatores reditus quosdam e regione Palmyrena percepisse) potestate tunc temporis instructum fuisse ostendit τὸ καλίστῃ elogium & blanda compellatio,

\* Hist. Eccles. lib. VII. cap. 30.

† Edit. Lugduno-Batavæ 1600. pag. 166.

\*\* Edit. Oxon. pag. 174.

latio, qua illum non solum amicum sed patronum suum agnoscit Julius Aurelius Ealmes, Eques Romanus, quem vix aliter pro dignitate equestri, quam adeptus est, sese in clientelam illius recipere voluisse, jure merito suspicabimur.

ΑΡΟΑΠΕΤΗΝ. Variatum est in hoc vocabulo hætenus plane incognito exscribendo, literis aut fractis aut exelis aut præ vetustate evanescentibus. Aliud enim exemplar in Actis Philosophicis editum habet ΑΡ. ΑΠΗΤΗΝ; errore satis luculento & cuivis vel maxime obvio: veram autem lectionem restituere non adeo facile erit. Alii Αρζαγήτην i. e. *Præfectum annonæ*: alii longe probabilius, Αρχαγέτην i. e. *Principem familiæ*, φύλαρχον, sive sensu restricto Εθνάρχην. Sed neutra emendatio mihi placet. Vox prior plane nova est: & quod ad alteram lectionem spectat, non parum obest, quod hic non de splendore & prærogativa natalium, aut de genere & familia ipsius agi videtur: quæ enim connexio aut convenientia inter Procuratorem Augusti Ducenarium & φύλαρχον fingi poterit? Potius vox illa, qualis qualis fuerit, ad castrensis & armatæ militiæ, quem obtinuit, munus, titulum, & honorem referenda est. Quidni ergo ΔΟΧΑΤΕΤΗΝ, *Præfectum cohortis militum præsidiariorum* legamus? A pro Δ sæpe hic & alibi exscribi solere, aliasque literas male aut invicem mutatas aut transpositas fuisse ex festinatione satis liquet. Si literarum spatiola illud paterentur, quo dignitati Procuratoriæ hæc militaris præfectura aliquatenus respondeat, legerem CΤΡΑΤΗΓΕΤΗΝ. Sed pudet ulterius hariolari.

CAAMHC In MSS. exemplari ΕΑΑΜΗC. Utra lectio verior sit, dubitari potest. Plane videtur esse nomen Syriacum. Suis autem nominibus indigenas Syros Græ-

Græcas terminationes ad majorem gratiam & suavitatem pronuntiationis apud Romanos hospites & adventores addere solitos fuisse ex hisce Inscriptionibus abunde liquet. Videtur ergo Ealmes, si ista lectio retineatur, ab *علم*, five *علم*, *alim*, derivari: quæ voces *virum sapientem rerumque peritum & scientem* denotant. Sed obstat, quod *ἱππὺς Ῥωμαίων* appelletur; cum notum sit, imperii Romani rectores pro prudentia sua advenas & externos, tam in Provinciis quam in municipiis, de populo Romano bene meritos, honoris & benevolentiae, ne dicam blanditiarum & assentationis causa, in ordinem equestrem adsciscere consuevisse. Ad versus istos Juvenalis Satyra VII.

*Faciant Equites Asiani,  
Quanquam & Cappadoces faciant, Equitesque  
Bithyni:*

annotavit vetus Scholiastes, *Equites Romani ex Græcis facti.*

*Ad vicesimum.*

Monumentum, quod præcedit, solus ille Julius Aurelius in honorem Septimii Vorodis erexit: hoc vero juncta aliorum opera & impensis. Non enim hæc omnia nomina ad unum eundemque hominem pertinuisse videntur. Puilsus, M. . . O C. (an Melenæus, an Malchus, an Mannæus) Malocha, Nassumus, Syriaca nomina sunt, quorum explicatio a Syrorum Arabumque linguis petenda est. Vocabula appellativa ejusdem soni in utraque lingua occurrunt, quæ in propria nomina & cognomina gentilitia transiisse quispam cum venia dixerit. Sed in re obscurissima conjecturas

jecturas plane incertas inanisque proferre omnino pudet. Vereor autem, ne verba ista Ο ΚΡΑΤΙCΤΟC perfunctorie describantur. Vix enim quispiam se τῷ κρᾶτισιν in monumento Patroni & Amici famæ dedicato præ modestia appellarem, licet titulus aliter dignitatī suæ deberetur. Forte hic denotatur quoddam munus, quod Malocha iste sub Naslumo obibat.

*Ad primum vicesimum.*

Quispiam jure mirari potest, plura monumenta Latinis characteribus inscripta in ista ingenti rudum, quæ apud Palmyram supersunt, mole hodie non exstare. Saltem hoc unicum curiosis Peregrinantium, dum huc illuc per plateas & vicos urbis vagarentur, oculis tantum sese subiciebat, ultra extremitatem porticus, in rudibus magnifici palatii, & puritatem marmoris exquisitioremque operis elegantiam & artem cæteris præferendi.

. . . . . ES ORBIS. Lacuna ex aliis marmoribus, quæ ubivis fere gentium, quas virtus Romanorum penetraverat, adhuc reperiuntur supplenda: RESTITVTORES ORBIS, PACATORES ORBIS, RECTORES ORBIS, admodum frequenter: interdum CONSERVATORES ORBIS, licet rarius, & istiusmodi.

Descriptor observavit nomen Maximiani Herculi, quem ante paucos annos in consortium imperii assumpsit Diocletianus, fuisse ex industria abrasum. DIOCLETIANVS ET MAXIMIANVS INVICTISSIMI IMPERATORES: quod est frequens illorum elogium. Anno Christi CC. XCVII. juxta accuratissimos Pagii calculos, quo Galerius Maximianus



mianus \* bellum contra Persas, expugnato in Armenia majori Narseo rege, & Mesopotamia recuperata, feliciter confecit, Maximiano Herculio Augusto V. & Galerio Maximiano Cæsare II. Coss. ut adnotavit Idatius in suis fastis Consularibus, vel anno saltem sequente, castra hæc a Diocletiano, qui tunc in Mesopotamia moratus est, provido consilio condita erant, tum ut Persarum in Syriam vicinasque Provincias Romanorum ditioni subditas, commodius illi repellerent, tum ut hisce propugnaculis muniti, ab omni subitaneo indigenarum impetu, cum pax inter limitaneos plerumque infida esse soleret, tutius agerent. Castra hæc ad Cercusium collocata fuisse extra dubium ponit Ammianus Marcellinus libro XXIII. qui sub Juliano in Persica expeditione militavit, & præsidium istud præsens exploravit, cujus descriptionem veritati, quam hausit oculis, congruam, nec tamen elegantius vacuam, hic apponam : *Adscitis Saracenorum auxiliis, quæ animis obtulere promptissimis, tendens Imperator facili gradu Cercusium, principio mensis Aprilis ingressus est munimentum tutissimum & fabre politum, cujus mœnia Abora & Euphrates ambiunt flumina, velut spatium insulare fingentes. Quod Diocletianus exiguum antehac & suspectum, muris turribusque circumdedit celsis, cum in ipsis barbarorum confiniis interiores limites ordinaret, ne vagarentur per Syriam Persæ, ita ut paucis ante annis cum magnis Provinciarum contigerat damnis. Castellum hoc, Κερύσιον, Φρέειον ἔχατον, in extremis Romani imperii in Oriente finibus positum, sive ex Ammiano sive ἐξ ἀνῳχίας aut aliunde, pari prorsus modo describit*  
 Author

\* V. Eutropium libro IX. & Sextum Rufum in Breviario.

Author gravissimus, \* Procopius, qui addit, Justinianum Imperatorem illud, aut ignavia militum præfidiariorum neglectum, aut temporum injuria, fluviorumque, quorum ripis infidebat, alluvionibus labefactatum, novis propugnaculis firmavisse.

Post hosce certissimos testes aliorum Historicorum & Geographicorum auctoritatem ad fidem faciendam adsciscere omnino supervacaneum foret, & otiosi hominis laudem in re levicula affectantis esse videretur.

. . . . ntes *Ossiano Hieroclete*. Proculdubio marmor istud epigraphen literis majusculis Lectoribus visendam exhibet, licet in exemplari, quod sequimur, in Angliam transmissio, minutioribus contra istorum temporum perpetuum usum describatur: & omnino male. Hoc modo videtur melius efformanda.

. . . . NTE SOSSIANO i. e. CVRANTE; vel PONENTE, vel ERIGENTE. Ossianus nomen hæcenus incognitum, nec apud antiquos Scriptores, ut puto, reperiendum. Sossiani autem nomen a Sossio derivatum, Hierocleti V. P. i. e. Viro perfectissimo, (hoc enim titulo interdum gaudebant Præsides sive Præfecti Provinciarum) inditum erat, pro more apud Romanos nomina familiarum, in quas transirent, aut quas aliqua cognatione attingerent, cum parva variatione assumendi, ut ab Æmilio, Valerio, Aurelio, Æmilianus, Valerianus, Aurelianus, & sexcenta ejusmodi, aut ex nimia affectatione & studio placendi delicatulis Romanorum auribus. Ita Herodes, filius Odænathi, in nummis appellatur Herodianus, & Diocles Dalmata post susceptum imperium

F

perium

\* De ædificiis Justiniani lib. i. pag. 6. & de bello Persico lib. ii. cap. 5. pag. 97.

perium voluit nuncupari Diocletianus. C. autem Sos-  
fius (ita scribit Dio † media litera geminata) Syriæ  
& Ciliciæ a Marco Antonio præficiebatur, &, ut  
habent Fasti a Sigonio editi, Proconsul ex Judæa  
anno urbis conditæ DCC. XIX. nonas Septembris  
Romæ triumphavit. Ab hoc viro, si non genus, fal-  
tem nomen duxisse Diocletem, Provinciæ hujus par-  
tis Syriæ circa Palmyram Præfectum, non abs verò  
abludere videbitur.

*Ad secundum vicesimum.*


Condita erat hæc ecclesia sub Sergii Episcopi tem-  
poribus, ipsius cognato Maronio tunc Chorepisco-  
po.

† Lib. XLIX.


FINIS.



















ECIAL

87-B

9786

Bound w/

87-B 9868

87-B 9870

THE GETTY CENTER  
LIBRARY



